

5



武林梵志 十二卷

道光戊申夏日吳康甫廷康以此冊見餉  
明季舊本也補綴手裝藏之書簾偶  
檢閱一過管游追憶昨夢成空有美湖山  
能仁刹宇曾經管領儘足勾留未題姓  
氏于貞珉聊記時日于故紙尔

咸豐改元莫春

燕廷



武林梵志敘

夫緣有起必有滅事有作  
必有止此成住壞空佛稱  
劫數而盛衰興廢儒亦常  
譚也且象闕有禾黍之悲



銅駝有荆棘之嘆、在持世者尚不能卜世、何有於空王之寄跡、物外之幽蹤乎、然則武林梵刹、何以志爲、蓋攷古者必徵信於載牒、

而攬勝者每蒐索乎烟霞、武林山川形勝、甲天下、其精藍梵宇亦甲天下、茲按之圖史、問之耆宿、存者董二三、而沒者常八九矣、當

其盛也。危棟連雲，飛甍蔽日。金碧輝煌，丹堊炳煥。緇衲於焉萃止，檀越朋而信施。方謂樹無遮之幢，建不拔之宇矣。及其衰也，琳宮

鞠爲茂草，香臺化爲荒墟。或風雨之所飄摧，或狐兔之所竄伏。甚而豪家巨室，據成丘壠，侯門仕族，改作園居。至月冷闍梨之庭，鳥

啼沙門之座、噫嘻、福兮禍  
所倚、成兮敗、所基、余豈能  
必盛者永存、亦豈能必廢  
者皆復、第姑爲之志、以拾  
其名、綴其跡、使流覽者如

爲達人、玄觀則知一切殊  
勝、若電光之過目、若百鳥  
之過耳、不必待其零落而  
始識爲空、如爲騷客、逸士  
則可以撫卷而卧、遊可以

弔古而詞詠亦不致寶地  
福境竟烟沒而無傳也志  
則惡可已

江左浮渡居士吳用先纂



武林梵志記略

虎林梵刹之盛至南宋而極至勝國訖其十之五入  
我

明遞興遞廢而所存者十之二三已耳攷之譜牒郡  
城內外大半為曇林香宇蕊宮蘭閣卽清波門之聚  
景園鳳山門之玉津園錢塘門之擇勝園俱綿亘數  
里鑿池疊山歌臺舞榭帶雲駕霧天工人巧無所不  
備今悉化爲一闕之市桑麻禾黍之場矣宇內稱武  
林繁華蓋庶幾彼時足以當之如目前所覩記去朴  
陋無多也僅僅明聖湖其爲利于地方百倍然視宋

元已減其五卽二十年來又減其三豪猾侵漁積漸  
何已非兩高五雲聯梯巨岫幾無以啓眉目噫此武  
林梵志所必不可已者也一以紀生齒阜繁徃哲休  
養培植之所由致一以紀時代隆替觀風問俗之所  
必資而名賢者宿苦心拮据千古風流不令湮滅後  
之視今猶今之視昔要使廢有時興興無時廢則方  
伯桐城吳公亟命採輯垂之永久意深遠矣概爲六  
則綴以四凡

額名

以新額爲主宋元及俗稱附

沿革

現存者新建及興復者又有寺古僧存而舊志不  
載者俱爲主廢者附

名勝

山水之勝不能遍紀惟以梵刹爲主標異蒐竒以  
供卧遊

古蹟

亦有未必形勝而係舊蹟不可磨滅者正吊古之  
士所憑雖小必載

人物

有地與人俱重者亦有地因人重者分級未備詳  
宰官古德中

題詠

紀山水不肖山水詠性情不合性情濫觴極矣遴  
採必嚴不以多貴大概詳於古而略於今詳於碑  
記而略於詩賦但有泉石賴品題以見者亦有勝  
會名流興到口占自足點綴寂寞不敢盡廢

以上六則不必分析標詮總載自備惟寺現存  
者寺廢而有可紀者大字頂書寺廢而無一可  
紀者類編其名于末

天朝寵錫

凡賜額賜像賜經賜紫金袈裟并近頒南北藏俱  
考時代以彰隆典

宰官護持

自張子韶蘇子瞻以下或本郡人或宦遊或流寓  
標名紀勝皆足讚揚此佛法中金湯也

古德機緣

宗教律相傳顛末在五燈及諸家語錄者不能悉  
載撮其要語以紀武林栖禪顯化之盛

歷朝勲績

如武肅之鐵幢唐玉潛之瘞骨鄴侯之六井及西  
湖南湖凡關係武林極重事卽不涉梵刹而梵刹  
所由存者在是綴之末行以備博雅經濟之士代  
諏訪焉

以上四凡分疏成帙或有未詳以俟增入  
是集也

左方伯浮渡吳公總持於上

邑侯古岡喬公董成於下而不佞鯨載牘受事削  
稿凡三易月凡四不購書於市賈不寄聽於都綱  
潛訪潛收必遍必核故雖幽岩僻徑不靳蒐羅亦

有古刹奧區今方拈出詞尚直率不以獺祭爲工  
語貴傳真惟以狐筆爲信垂之來襪庶幾象教千  
秋列之案頭彷彿靈山一會則

方伯公之垂護遠矣惟是採遺文緝逸事近而有徵  
者北郊則黃貞父汝亨臯亭黃鶴則胡休復胤嘉  
無門洞兩天目則潘景升之恒城內則鐵佛寺僧  
慧暉山中則十八澗僧契靈詮次古德則南屏僧  
大壑皆以助成茲媿云

萬曆壬子九月下浣邁士吳之鯨薰沐書

武林梵志卷之一目錄

城內梵刹

儒林寺

吉祥寺

青蓮寺

棲禪雪洞院

廣壽慧雲寺

潮鳴寺

蓮居庵

長明寺



天長寺

大中祥符寺

崇福庵

興福寺

七寶寺

水月庵

華藏寺

相國寺

壽聖寺

長壽庵

法輪寺

止止庵

普照院

普慈寺

悟空寺

靈芝崇福寺

大慈庵 金剛廣福寺 妙淨庵

祇園寺 東岡寺 惠林寺

佛惠寺 崇寧萬壽寺 慈雲寺

水陸寺 下水陸寺 孝義庵

崇恩延福院 聖壽寺 覺苑寺

千頃廣化院 明慶寺 菩提寺

靈壽寺 安國羅漢寺 上方寺

妙心寺 長生庵 比勝廟

慈濟院 真教寺 慈光寺

慧安寺 寶梵寺 海會寺

百法寺 寶奎寺 寶成寺

雲居聖水寺 上方庵 金波禪院

寶嚴院 廣嚴寺 開元寺

開寶仁王寺 定水寺 戒壇院

武林梵志卷之二目錄

城外南山分脉

梅竹庵 般若院 報先庵

報國寺 梵天講寺 棲雲庵

勝果禪寺 善應懋持庵 圓通庵

福田慶壽寺 延聖寺 萬壽寺

資教庵

潮音庵

黑庵

吉祥寺

寶華寺

聖壽禪寺

鎮海禪院

真如寺

正定庵

普陀庵

永慶寺

延壽白石寺

崇福寺

因果寺

寶界寺

定香寺

月塘寺

正宗庵

大慈禪寺

下天真寺

六湛庵

善慧禪寺

真覺院

淨因寺

普福庵

萬壽庵

奉聖禪寺

普寧庵

道林寺

龍華禪寺

兜率庵

永壽禪寺

上天真寺

天龍禪寺

淨明院

天華禪寺

勝相寺

妙因庵

保和寺

九曜寺

廣澤禪寺

定慧禪寺

襲慶禪寺

六和塔

開化寺

朝陽庵

五雲山

雲棲寺

天柱寺

妙山庵

白沙庵

棲真寺

定安寺

定明寺

金蓮寺

妙淨寺

光明寺

光孝寺

定南寺

慈巖院

龍門庵

武林梵志卷之三目錄

城外南山分脉

靈芝寺

褒親崇壽寺

觀音庵

頭陀庵

香圓庵

淨慈寺

惠因講寺

六通律寺

法相寺

大仁院

大慈庵

滿覺院

歸雲庵

烟霞寺

淨心院

榮國禪寺

最上庵

覺照庵

綠蘿庵

演福庵

延恩衍慶寺

鉢池庵

老龍井

方圓庵

波羅庵

報恩寺

理安禪寺

武林梵志卷之四目錄

北山分脉

由湖墅至  
阜亭山

香積寺

妙行寺

法雲寺

定光寺

永慈寺

化度寺

寶覺豐樂寺

顯教寺

福壽寺

大覺禪院

智果院

永寧庵

西方庵

廣教寺

昭化寺

崇興寺

崇先顯孝寺

普潤寺

普化庵

治平寺

寶嚴寺

興化庵

真如寺

覺圓寺

鐵佛普明寺

永慶寺

永興寺

佛慧寺

報先寺

真覺院

豐禾庵

慈嚴寺

慈泉寺

廣福寺

寂福寺

定安寺

定明寺

金蓮寺

棲真寺

無諍寺

禪智寺

法性寺

真寂寺

光嚴寺

大雲寺

重興寺

荀山寺

廣化寺

東明寺

長慶寺

寶林寺

東蓮寺

妙智寺

智勝寺

廣福寺

觀音寺

正等寺

仁壽寺

報福寺

佛日寺

天王寺

保江寺

西隱寺

慧日寺

純一院

萬壽庵

資慶院

清流禪院

普濟院

德雲庵

永清禪院

大圓庵

化成庵

泗水庵

廣濟庵

崇勝寺

寶華寺

普濟寺

崇覺寺

興福庵

普寧寺

普濟院

昇平廟

圓通庵

泰清庵

定心庵

資福庵

太平庵

普門庵

膝泉庵

黃龍庵

龍珠庵

大覺庵

巧山庵

林雅庵

圓邇庵

永慶禪寺

大悲妙心庵

蓄薇庵

慧覺院

慈孝庵

龍峯庵

大雲庵

梅石庵

聚石庵

仰伽庵

功德院

圓教禪寺

普慈庵

靈花庵

卧龍庵

白蓮庵

定慧庵

法華庵

烟石居

翠微庵

秀水庵

吉祥庵

觀音大悲庵

蓮社庵

華藏庵

永福庵

般若庵

徧福寺

茶湯寺

長壽寺

上塔伏虎院

中塔悟空院

下塔月明禪院

法華庵

柳翠庵

興教寺

華嚴庵

金佛寺

無垢院

菩曇寺

鼎湖寺

安隱寺

勝安寺

廣嚴寺

淨惠寺

蓮華窟

明覺院

龍興寺

大安寺

驀直庵

彌陀庵

龍華庵

武林梵志卷之五目錄

北山分脉

由錢塘門至三天竺

菩提院

真覺院

法濟院

妙因院

寶嚴院

昭慶律寺

大佛寺

金輪寺

保叔寺

相嚴院

智果禪寺

治平寺

壽星寺

寶雲寺

瑪瑙寺

招賢寺

嘉德永壽寺

鳳林寺

君子泉

伴玄庵

護國仁王院

雙桐庵

淨性寺

淨業堂

碧漪蓮社

普慈院

玉泉寺

靈峯寺

普福講寺

圓覺天台教寺

黑觀音堂

集慶講寺

靈隱禪寺

石佛庵

岫嶼山

韜光庵

永福禪院

無着單市塔

鄴公庵

白衲庵

大桐庵

薦福寺

下天竺寺 三生庵 中天竺寺

上天竺寺

武林梵志卷之六目錄

外七縣梵刹

海寧縣

太平廣福寺 崇教寺 真如寺

真相寺 崇惠寺 西山廣福院

永隆廣福寺 金佛寺 永寧寺

薦福寺 安國寺 延恩寺

東岡廣福寺 覺王寺 淨妙寺

興福寺 資勝寺 吉祥寺

菩提寺 惠力寺 淨信寺

富陽縣

法相寺 淨居寺 偃松寺

能仁寺 寶相寺 妙智寺

慈修護聖寺 永寧寺 龍景寺

真寂寺 大雄寺 華蓋仙山寺

淨土庵

餘杭縣

永安寺 南山普寧寺 慈聖寺

光孝寺 徑山興聖寺 化城寺

大祿寺 靈源院 悟真院

洞霄宮

臨安縣

海會寺 淨土禪寺 太平萬壽禪院

化城院 興教院 淨應院

雙林院 福勝院 東天目昭明寺

西天目正宗寺 天台傳教庵

新城縣

普照院 東白院 黑山蟠龍庵

咽水洞 寶勝院 寶乘寺

寧國寺

於潛縣

獅子正宗寺 寂照教寺

昌化縣

治平寺

武林梵志卷之七目錄

天朝寵錫有論

凡五條

武林梵志卷之八目錄

宰官護持有論

陶潛

謝靈運

范元琰

楊銜之

褚亮

褚遂良

賈島

駱賓王

李白

李泌

虞允文

楊綰

劉禹錫

孟簡

白居易

王勃

裴度

錢鏐

呂蒙正

楊億

王旦

王隨

趙抃

歐陽修

富弼

范仲淹

蔡襄

祖無擇

司馬光

王安石

蘇軾

蘇轍

陳師道

仲殊

米芾

陳瓘

史浩

楊傑

秦觀

黃廷堅

李邴

呂本中

張商英

張浚

曹勛

程秘

張九成

于憲

吳偉明

張鎡

林希逸

鄭清之

甄龍友

曾公亮

呂吉甫

林逋

貫雲石

朱熹 陸游 真德秀

謝朝議 馮楫 陳襄

劉彥 喬行簡 岳飛

錢象祖 潛說友 李端愿

鄧文原 趙孟頫 馮子振

黃潛 虞集 白珽

仇遠 鄭所南 張翥

趙昉 周密 楊維禎

劉基 宋濂 高啓

張羽 姚廣孝 張寧

聶大年 陳基 徐一夔

于謙 錢溥 王守仁

孫一元 田汝成

武林梵志卷之九目錄

古德機緣有論

靈隱寺

慧理法師 寶達禪師

守直律師 道標侍者

皎然侍者 鑑空法師

道齊尊師 韜光禪師

智一尊師

清聳禪師

契嵩禪師

普慈禪師

德章禪師

蘊聰禪師

文勝禪師

雲知禪師

正童禪師

延珊禪師

重顯禪師

慧淳禪師

寂室禪師

瞎堂禪師

覺阿侍者

德光禪師

誰菴禪師

懶菴禪師

最菴禪師

悅堂禪師

竹田禪師

妙峯善禪師

石鼓希夷禪師

鐵牛印禪師

松原崇岳禪師

笑菴了悟禪師

高原祖泉禪師

竹泉法林禪師

性原慧朗禪師

天鏡原瀟禪師

退耕寧禪師

守仁禪師

淨慈寺

五代道潛禪師

永明壽禪師

道鴻通辯禪師

宗本圓照禪師

善本大通禪師

肯堂彥充禪師

佛智端裕禪師

水菴師一禪師

自得慧暉禪師

混源曇密禪師

楚明寶印禪師

木菴安永禪師

石田禪師

偃溪廣聞禪師

淮海原肇禪師

荆叟如珏禪師

晦機元熙禪師

虛堂智愚禪師

斷橋妙倫禪師

北磻居簡禪師

笑翁妙堪禪師

東叟仲穎禪師

孤雲權禪師

退谷義雲禪師

介石明禪師

晦翁悟明禪師

谷源道禪師

大川普濟禪師

無極觀禪師

石帆衍禪師

簡翁敬禪師

愚極慧禪師

愚菴智及禪師

本源善達禪師

清溪沅禪師

道臻法師

道濟書記

武林梵志卷之十目錄

古德機緣

徑山寺

大覺國一禪師

無上禪師

法濟禪師

大禪明禪師

佛日大慧杲禪師

密庵傑禪師

別峯印禪師

佛照普慈光禪師

癡絕道冲禪師

雲峯高禪師

元叟端禪師

月林鏡禪師

浙翁如琰禪師

蒙庵元聰禪師

塗毒智策禪師

照堂了一禪師

上天竺寺

道翊法師

法詵禪師

子儀心印大師

證悟法師

我庵本無法師

從諫慈辯講師

希辯禪師

中天竺寺

徇堂中仁禪師

癡絕元妙禪師

一關達禪師

空岩有禪師

雪屋珂禪師

一溪自如禪師

季潭泐禪師

千歲寶掌和尚

補武林山後

下天竺寺

慈雲式法師

隋觀法師

集慶寺

士璋法師

滅幻禪師

普福寺

天岸濟禪師

鳳林寺

烏窠禪師

會通禪師

智果寺

錢塘道潛禪師

瑪瑙寺

孤山法師

孤山祥符寺

可久法師

湖心寺

紹岩禪師

妙慧文義禪師

壽峯禪師

護國寺

無門慧開禪師

臭庵宗禪師

昭慶寺

真悟律師

道匡禪師

省儉禪師

省常禪師

了元禪師

玉泉寺

曇超法師

懿禪師

虎跑寺

寰中禪師

慧因寺

懷祥禪師

義寧禪師

淨源禪師

法相寺

長耳和尚

六通寺

慈德僧彥求

宗靖禪師

龍井寺

通禪師

辨才淨法師

五雲院

志逢大師

開化寺

傳法大師

統寧法師

天龍寺

重機明真大師

俱胝和尚

釋道愆

天龍和尚

秀禪師

龍華寺

真覺大師

契盈周智大師

慧居禪師

勝果寺

無着禪師

僧淨梵

報國寺

廣智訖禪師

楚石琦禪師

萬壽寺

法詮禪師

靈芝寺

大智元照律師

佛印了元禪師

千佛寺

釋希覺

慈光寺

晤恩法師

天鏡禪師

立中成禪師

武林梵志卷之十一目錄

古德機緣

報恩寺

正木本寺志  
目錄  
慧明禪師

法安禪師

釋永安

慧月禪師

通辨明達禪師

立則禪師

從瓌禪師

法輪寺

端禪師

添禪師

妙行寺

思淨律師

香積寺

三藏法師

儂林寺

雪庭禪師

廣化寺

覺宗住持

崇先寺

真歇清了禪師

黃龍庵

慧南禪師

晦堂心禪師

佛日寺

本空禪師

智才禪師

淨慧戒弼禪師

文祖禪師

奉先寺

法明普照禪師

法昱禪師

華嚴寺

釋玄覽

釋道光

羅漢寺

宗徹禪師

七寶寺

用欽禪師

慶善寺

普能禪師

守隆禪師

千頃慈雲院

釋楚南

廣福寺

惟尚禪師

興教寺

洪壽禪師

龍興寺

釋可周

釋宗季

多福寺

多福和尚

湖光寺

釋師簡

常照寺

慧明禪師

天目山

釋明覺

高峯禪師

斷崖禪師

淨土院

惟正禪師

光慶寺

遇安禪師

武林山

支道林

禪月大師

釋景霄

法瑫宗一禪師

瞽庵講師

水源法師

前太畧補

釋慧琳

中峯禪師

空谷禪師

貫休

釋慧亨

瑞龍幼璋禪師

從襲禪師

海月辨法師

武林梵志卷之十二目錄

歷朝勛勳有論

潮汐考

鉄幢考

西湖考

瘞骨考

南湖考

武林梵志卷之一



桐城吳用先訂定

渤海吳之鯨採輯

城內梵刹

按舊志三種俱以僊林寺為首今仍之依次分派一自南至候潮門一自北至鳳山門以便觀

覽

僊林慈恩普濟教寺在安國坊宋紹興三十二年洪濟大師智卿建賜額隆興元年孝宗改賜額曰隆興萬善戒壇淳祐三年理宗賜額曰飛天法輪寶藏又置鐘銘賜之○銘曰大塊嗑噓震薄蓋輿眷

此洪鐘以實出虛鑿銑其角十分其鼓豈有鑄  
收金遺禹博大闡繹厚薄和均上開天闢下徹地  
垠乃警聾聵乃割昏曉咨爾有聞孰不心皎以爲  
有聲匪撞不鳴以爲無聲如雷如霆作鎮梵宮法  
音無際鞏我神臯萬有千禩元至正間張士誠據  
爲軍噐局洪武四年重建置僧綱司有司卽其鐘  
樓爲郡城昏昕之節正德間徙其鐘更鑄置朝天  
門仁和縣歲造土牛迎春於此

天長淨心寺在仁和北壁後洋街晉天福四年錢氏  
建南渡後析其地爲軍寨咸淳元年興復元季燬

景泰間重建○聶大年送僧日福聽講還山詩云  
歸去深居遠俗譁莫教巢燕污袈裟從今悟了三  
生話高倚瓊臺看雨花○寺內有龍華寶閣宋理  
宗時捲簾使許禎建宋亡禎挈三子居之學佛自  
晦名出塵菴元延祐元年有僧講法華經天華紛  
降遂名龍華其時寶閣穹壯冠絕郡城歸併於此  
者曰清修院正定菴保福院九曲法濟院○宋高  
宗幸天長賜僧廣寶詩云大界宜春賞禪門不掩  
關宸遊雙闕外僧引百花間車馬喧長路烟雲淨  
遠山觀空復觀俗皇鑑此中間

壽聖寺在虎林山上舊名長壽在東青門外淳祐間僧無住光隱重建永樂十三年潮壞徙建今所卽聖壽院故址遂名壽聖山上古樸一株爲風雨所掣內有大井銀杏皆宋物也殘碑龍鳳御書之寶篆額尚存俗稱祖山寺○虎林山在武林門內一里而近有小土阜高可三丈廣不滿百步宋太乙宮元大青蓮寺在其下宋爲雜造局局廢山之陽舊有此長壽寺後易名今額

吉祥律寺在仁和縣之安國坊宋乾德三年睦州刺史薛溫捨地爲寺立今額治平二年改曰廣福南渡初以其地爲文思院軍頭司其寺界于兩間仍扁以吉祥之額舊傳其地多牡丹熙寧間名人巨公常賞之有觀空閣寺○蔡端明吉祥寺賞牡丹對月詩花未全開月未圓看花賦月思依然明知花月無情物若使多情更可憐○蘇東坡詩銘跋七首簪花人老簪花不自羞花應羞上老人頭醉扶歸路人爭笑十里珠簾半上鉤○花將落而述古期不至今歲東風巧剪裁含情只待使君來對花無語花應恨直恐明年便不開○述古期明日同至因用前韻仙衣不用剪刀裁國色初酣卯酒

來太守問花花有語爲君零落爲君開○惜花吉  
祥寺中錦千堆前年賞花真盛哉道人勸我清明  
來腰鼓百面如春雷打徹涼州花自開沙河塘上  
插花回醉倒不覺吳兒咍豈知如今雙髻摧城西  
古寺沒蒿萊有僧閉門手自栽千枝萬葉巧剪裁  
就中一叢何所似瑪瑙盤盛金縷盃而我食萊方  
清齋對花不飲花應猜夜來雨雹如李梅紅殘綠  
暗吁可哀○自跋云錢塘吉祥寺花爲第一壬子  
清明賞會最盛金盤綵籃以獻于座者五十三人  
夜歸沙河塘上觀者如山爾後無復繼也今年諸  
家園圃花亦極盛而龍興僧房一叢亦奇但衰病  
牢落自無以發興耳昨日雨雹如此花之存者有  
幾可爲嘆惜也○冬至遊寺詩井底微陽回未回  
蕭蕭寒雨濕枯荻何人更似蘇夫子不是花時肯  
獨來○後十餘日復至東君意淺着寒梅千朶深  
紅未暇裁安得道人殷七七不論時節遣花開○  
觀空閣銘過眼榮枯電與風久長那得似花紅上  
人宴坐觀空閣觀色觀空色卽空

大中祥符律寺在祥符橋畔梁大同二年邑人鮑侃  
捨宅爲寺舊名發心唐貞觀中改衆善神龍初改

中興宋真宗時改大中祥符其廣九里子院有千  
佛閣諸天閣戒壇院內有鐵塔一石塔四錢王所  
鑿九十九眼井實靈芝大智律師受經之地金人  
南寇燬于兵南渡初斥爲軍器所元初仍建寺至  
正末燬洪武間重建其傍地盡爲軍民之居○蘇  
子瞻祥符寺上元觀燈詩紗籠擎燭迎門入銀葉  
燒香見客邀金鼎轉丹光吐夜玉珠穿蟻鬧連朝  
波翻焰裏元相激魚舞湯中不畏焦明日酒醒空  
想像清吟半逐夢魂飄○曾子固詩月明如晝露  
華濃錦帳明郎笑語同金地夜寒消美酒玉人春  
困倚東風紅雲燈火浮滄海碧水樓臺浸遠空白  
髮蹉跎歡意少強顏猶入少年叢○可父師上元  
詩門前燈火鬪分明一室清風冷欲冰不把瑠璃  
閑照佛始知無盡本無燈

長壽庵○放生池記西湖古放生池也法久而敝實  
亡名存敝之久而安焉恒產乎水族併迷其名若  
罔聞者歲在乙未予演圓覺于佛國山之南屏南  
屏故有池當其三門一時主會諸名公捐貲贖而  
出之植蓮其中斷漁業人由是知放生池爲武林  
舊事旣而予復鑿池上方旣而北門有園園有池

復贖之園距上方南北相望者半拘廬舍而城之內有二放生池矣頃予碑上方謂以是爲之兆兆且引而蔓延之顧予德微年衰不足以風未知繼此而興起者更幾池也上方苦隘僅爲池餘少叢竹羽垂之獲迨其生者聊以依止茲頗閒曠池聯比擴之則濺然成浸水涵而土出壘之則鬱然成山循而界之則幽然成徑相其宜而樹之竹木則鬱然蔭而成林將使嚶嚶洋洋樂而相忘雖無繇擬飛泳亭之萬一而猶冀想像其遺踪則上方所不逮也園以東爲興福禪院旋而南爲養濟院又

旋而西爲得一道院養濟昔號悲田聖主賢臣哀乳民之顛連而無告者設也今之困矰餌伏質于刀砧必不可逃而待烹其無告尤甚貿而畜之池縱之林俾終保殘壽慈孰加焉佛示三福云慈心不殺而五福于箕疇亦壽爲其最瀕殺而重壽之福孰加焉天地之大德曰生舜之德曰好生德一而已上清下寧侯王所以配兩間之久長貞萬物之壽命者恒於斯德孰加焉儒道釋三聖人之偉蹟鼎峙夫三方若環拱然而園介乎其中是曲阜之仁里摩竭之慈室西華長生葆真之靈宅天合

而冥隣也。豈偶然之故歟。夫救生之滅也而有生，求其生而未嘗生也而無生，無生然後無不生，則生滅一，生滅一則福與于無相，悲濟于無緣，福不可得，悲不可得，一亦不可得，唯法性常住，不斷不續，同于虛空，彼梵網以放生爲常住法，常住者金剛身無量壽也。廼菴其園曰長壽，而園有荒廬數楹，飭治之爲供接引導師，及當來慈氏尊像，蓋津梁所放一切含靈，先生安養，息輪迴苦，後于龍華而得授記也。廬止是無增多，以淨戒僧守之，守之之方，具如上方記中語。時里之父老聞予言，前執予手，歔然太息曰：園之源，吾弗知之矣。吾猶及見二禪人居焉，向稔其古爲伽藍，而業已蔬圃，莫返厥初，吾何圖重睹今日也。是役也，始其事者，予與化卿宋君，而諸上善人樂助而成，斯美利者，得例書碑左云。株宏記。

青蓮寺在車橋北宋隆德間錢氏建祥符中改淨戒院先是宋元豐中吳處厚以皇嗣未立上書乞立程嬰公孫杵臼廟詔封嬰爲成信侯杵臼爲忠智侯廟食於絳後又以韓厥存趙孤三人皆以春秋祠于祚德廟紹興二十一年建祚德廟于院內以春

武水志卷之二  
秋二仲祭之至正末張氏據聖壽青蓮二寺爲府  
而廟亦廢

崇福庵在平安坊石晉開運三年僧義宣教厚法師  
建宋元兵火因仍入 國朝復興嘉靖間僧苦惱

役乞庇于總戎萬鹿園稱萬氏宗祠幾爲所據萬  
曆乙酉僧能惠等募贖鼎新殿刹宏偉緇侶雲集  
稱十方禪院馮夢禎沈梗虞淳熙爲之記

法輪寺在觀橋南五代長興中龜法師建於城東湯  
鎮額曰觀音後改安國宋大中祥符間改法輪洪  
武間立爲叢林永樂十八年潮嚙殿基僧至恂改

建今所

棲禪雪洞院在平安坊吳越王建於艮山門外名觀  
音院建炎間改棲禪院至正十二年僧時俊作雪  
洞于今處移請舊額爲棲禪雪洞院今併慧雲寺  
○僧泐季潭詩洞雪團團白飄來不自風恍疑雲  
母室如在水晶宮大暑翻愁冷深春未覺融不須  
燈照夜定起月朦朧○祥止庵禪室虛生白居之  
最吉祥了經何待月上髻不知霜宿恐雲來借寒  
愁火有妨老禪棲息穩無復夢華陽

興福寺在斜橋南宋紹興丁卯左丞薛昂以花藥圃

施僧慧觀築菴名曰擇勝尋建佛刹請龍山廢興  
福院額表之 國初定爲叢林

止止菴在義同安谷坊萬曆三十年僧如玉重建  
廣壽慧雲禪寺在三撥營畔宋淳熙十四年張循王  
之孫鎡捨宅建寺紹熙元年賜額俗稱張家寺有  
留雲亭白蓮池元至正間燬洪武十七年僧文副  
重建永樂九年永忠宣德間廣廢弘治元年福海  
相繼重建萬曆間旁地侵爲賽西湖辛亥復原額  
○僧梵琦留雲亭詩云人家十萬繡成堆未抵南  
湖一段奇象輦不來春草綠小亭雲鎖紫珉碑○

僧德祥白蓮池詩云念念西池道路賒東池今已  
種蓮花他時若到西池上應念東池是故家○吳  
用先重復慧雲寺建宣義張公祠碑慧雲者張宣  
義所捨南湖園宅紹熙間請于朝以爲寺者也歲  
久漸湮狹少其額迤東稍稍入軍營而所爲南湖  
俗稱白洋池者亦不知何時并入民居萬曆間復  
有豪依大璫踞其寺之半并汲其所失額于軍營  
者卽具官室安處其上爲年且二十有餘余與右  
轄竇公力清故物盡反所侵併營房悉撤還寺俱  
復其租慧雲已光復矣已與孫司理喬仁和楊錢

塘謀修飾佛宇，首建張公祠，以酬其宏深之願。古  
今之捨宅爲寺者多矣，卽右軍東山輩，皆慧業文  
人，卒不聞親勒文字，建之金石。慧雲獨有之，模豐  
碑，所手書，預製發願疏，出自血誠，讀不能終篇，淚  
潛潛下，想見公之爲人也。史魏國與公同時，稱公  
閑居，遠聲色，薄滋味，矻矻詩文，自處不異臝布。考  
之史乘，殊非實錄。魏國蓋以是飾公焉。夫公雄才  
大略，風流文雅人也。玉津討賊之舉，公實沈幾，製  
爲文章，靈心燦出，筆彩縱橫，絕無書生筆墨之氣。  
蓋非矻矻以此道見者，自奉極侈，園池聲伎，服玩  
之麗，甲天下。南湖園世所傳，凌霄亭、玉照堂，諸勝  
在焉。卽其排比，十有二月之燕遊，各有次序，而牡  
丹一會，名伎且百數十人。梅花之社，一棹徑穿十  
里，豈齷齪小生爲。假令歌舞濃而感慨生，杯酌酣  
而逸興闌，此亦稱英雄回首大力矣。而考南湖捨  
寺之年，顧卽其經始之第二歲，諸所賞心樂事之  
見于南園者，乃更其假舍，寓居于所捨之後。是誠  
何心哉。公之言曰：光明藏中，孰非遊戲。若心常清  
淨，離諸取著，于有差別境，而能入無差別智，則淫  
坊酒肆，徧歷道場，鼓樂聲音，皆談般若。倘情遮物

隔境逐源移。如鳥黏鵝。動傷性命。又鳥知所爲說。法度人。然則公之捨寺也。寺與家等。捨與不捨等。身後之捨與生前之假寓等。赤洒白淨。不挂一絲。真捨矣。彼所爲滄海桑田之感。公實無當焉。而圖報福田之論。猶淺之乎。言公哉。乃知真用世人真文人。真受享人。卽能爲捨其用世。捨其文。捨其受享。而大展手眼。于覺海無邊中也。斯寺一區。公之自力實足以奠之。發願之文。猶其誘人者耳。寺迄今猶呼爲張家寺。公之真誠在人。也。慧雲其舊所。賜額踞杭北城艮山門之西南湖之上。其中東西井各一。原碑載地百畝。今清得爲畝者五十四。有竒。爲弓者一千三百十七。有竒。周以界石。東底營。南界長和巷。西許田。北負睥睨。後之人如有妄覬而搏取之者。公之誓文可畏也。公名鎡。字切甫。別號約齋。循王之曾孫。官宣義郎。直秘閣。判臨安軍。歷右司郎。爲少卿云。○張鎡自撰發願文云。大乘菩薩戒弟子。承事郎直秘閣。新權通判臨安軍府事。兼管內勸農事。張鎡。右鎡。一心歸命。本師釋迦牟尼佛。當來下生彌勒尊佛。西方極樂世界阿彌陀佛。十方法界諸佛。諸大菩薩。緣覺聲聞。大梵天。

王帝釋尊天四大天王韋馱尊天守護正法天龍八部大權聖僧五岳四瀆名山大川祠廟神祇伏望不離真際普賜證明茲恭以欲導羣迷必闡揚于佛道將興遺教宜建立于僧坊勝福難思契經具載滋生佛滅後值法住時幸發無上心願學第一義念真乘難逢于曠劫思慧命常續于未來助行欲妙于莊嚴隨力當施於利益深心所在至願方陳閻浮乃衆生選佛之場震旦多大乘得道之器教法東漸而獨此爲盛祖師西來而其傳不窮由是衆多之伽藍徧我清淨之國土或據名山勝

地或居赤縣神州皆古德之所興實檀那之自創伏遇主上體佛心而治天下崇祖道而護宗門惟錢塘駐蹕之方乃寰宇觀光之地昔相國會聞十禪之建今在所未見一刹之隆如來演教于王城蓋居精舍宗師接人于鬧市可乏叢林都民膠擾而罕聞說法之音衲子往來而靡有息肩之處慨斯闕典久矣經懷昨倦處于舊廬遂更謀于別業園得百畝地占一隅幽當北郭之隣秀踞南湖之上雖混京塵而有山林之趣雖在人境而無車馬之喧爰剪荆榛或營棟宇勞一心而經始歷二歲

而落成念勝處可作精藍。而薄德豈宜於大厦。顧棲身之尚賴。姑假舍而寓居。浮生自嘆于艱虞。幻質累縈于疾疚。求佛祖之加庇。祈天龍之護持。增長善根。銷除宿業。年得踰于知命。運獲度于多災。必法尊經。變穢坊而成淨域。定依前哲。捨居宅而爲梵宮。用分常產之田。常作香厨之供。願主席者皆有道行。使掛錫者咸悟心源。爲東方立光明幢。與末世灑甘露雨。挿草不離於當念。布金何借于他緣。言弗苟陳。誓無終悔。鎡切慮事有多障。時不待人。先期或至於報終。異議恐紛于身後。宗族長幼朋友親姻。或稱亂命之難從。或謂名教之有害。引屈到嗜芟之說。謂王旦削髮之言。壞我良因。奪我素志。以至恃勢力而求據占。由賄賂而請住持。輒汗招提。妄譚般若。是出佛身之血。是斷正法之輪。死當墮于阿鼻。生遂遭于奇禍。特將此誓。痛警若人。俾革一時之狂心。勿受歷劫之極苦。蓋念起立。塿廟飯食沙門。流通大事之緣。成就圓機之善。恭願皇圖鞏固。睿筭延增。期永措于兵刑。庶宏持于像教。上薦祖先父母。次及知識冤親。八難三塗。四生九類。悉資熏而獲益。總解脫以超輪。廣此願

心周乎法界作菩提之妙行爲淨業之正因佛國  
俱空畢竟首登于極樂法身非有不妨回奉于彌  
陀普與有情同成此道謹疏其碑現存書法道媚  
酷似小米雲間董太史其昌極珍之復有魏國公  
史浩撰銘學士樓鑰書俱存

七寶寺在鹽橋東梁貞明七年錢王建名上方多福  
院宋大中祥符間改今額有六游堂臨暉閣郡守  
王欽若詩

普照院俗稱報師菴在鹽橋北晉天福八年錢氏建  
舊名報國千佛院祥符間改今額洪武十四年僧  
正宗重修嘉靖八年燬重建

潮鳴寺在慶春門北梁貞明元年建初名歸德院高  
宗南渡駐蹕寺中聞江濤聲賜今名寺北有回龍  
橋高宗嘗作詩賜統制劉漢臣勒石寺中○詩云  
野寺參差落漲痕疎林欹倒出霜根扁舟一棹向  
何處家在江南黃葉村兵燹重建洪武二十四年  
立爲叢林

普慈寺在蒲場巷內宋紹興間僧思淨建元至元間  
僧元忠修

水月庵在潮鳴寺東僧道弘拓地四畝構禪堂焚修

其中旁有放生池

蓮居菴在土橋東古延壽菴址燬于兵萬曆六年里人虞淳熙建懺室延紹覺法師安居而加拓之結禪講期方岳吳公碑定額爲蓮居有記○虞淳熙載錢塘志曰廣承字紹覺潘氏子少穎悟師圓籠勤三七懺精相宗雲棲宏命之代講於天台賢首教模象知形無師自會晝夜聽衆圍繞戒鎧甚堅後觀佛面西而逝○方伯浮渡居士吳用先碑記武林故稱佛國古剎精藍賁相望于山林城郭間然天下莫不重趺而走雲棲者非獨其剎勝也禪

教律爭取宗焉四十年來法嗣綦布區中其間紹明教律以一精藍走天下者則無踰蓮居云蓮居爲紹覺承上人菴院上人卽雲棲首座余旣獲叅請雲棲謀以公餘謁講席而竟示寂往矣寒灰老衲飛錫蓮居亟爲余道其生平甚悉蓋年未三十已從雲棲大師應期吳越間所至輒命代講儼然堪作人天範矣而猶不自滿假遄歸建懺室禮法華足不窺戶外者六易寒暑嚴淨毘尼研討三藏於台宗尤宿契焉弱冠辯六卽義時賢悉爲遜席讀法華玄籤會釋過目卽能點檢其訛演唱垂二

十年四方弟子日益進上人爲之搜玄抉秘破難  
析疑盡形壽無幾微倦色人率擬師智者後身上  
人歆然自視若未敢鴈行于四明荆溪間也旣以  
聲聞行律身又以菩薩行弘法視末世中濫據法  
王之席而缺篇犯聚空腹高心且哆口增結箕沙  
云者何啻在羣之鶴翔仞之鳳乎以故崛起一隅  
竭蹶四衆叅雲棲而下卽叅蓮居城東咫尺地卓  
然爲海內一時法窟云蓮居當慶春清泰二門之  
間左負郭右亘土橋門繞清流竹樹環列臨其地  
者恍然有樂邦水樹之思焉先是依大覺上人於

萬曆六年始建二十四年上人復加拓之懺室則  
德園虞公所建菴名則古鄞屠長卿公所顏余更  
爲酌定者也其徒大真三十五年佃地在菴師歿  
而真主菴事二三居士復爲廣室置產時共四方  
名宿結禪期講其中宛如其師在時嗚呼天下古  
跡名區半委之斷崖衰草蓮居以一泥丸馳譽二  
紀且使子若孫悠然承之可久可大豈非法席之  
興以人不以地而行寡儀範學無師傅固難以虛  
聲籠世也哉余故樂而志之使知蓮居所以蔚爲  
世宗者誠非偶然而雲棲一滴水其沾漑固無涯

正林苑志 卷之二  
也上人著有心經二解唯識因明觀所緣緣論記  
若干卷方謀梓行世其懿行備載銘傳暨錢塘誌  
中弟子具辨才能升座者甚衆茲不復詳聊志菴  
居始末如此

華藏寺在橫河橋東唐清泰二年吳越王建名報恩  
院大中祥符間改今額淳熙十五年重建○僧濟  
天岸詩清泰年間古道場門前馳陌幾炎涼破除  
客夢憑吟草陪伴禪心有佛香寶地月來清耿耿  
江城潮落夜鏜鏜叮嚀細柳營頭鼓莫放騰騰更  
點長

悟空寺在淳祐橋東晉天福七年僧齊教建名崇新  
院大中祥符改額淳祐六年法昌重修元末燬永  
樂元年德兼重建門有小溪茂樹可蔭

長明寺在螺螄門內晉天福間建宋開寶四年錢忠  
懿王改名法燈治平二年改長明佛印禪師開講  
于此元季燬弘治十五年僧如埧重建萬曆庚戌  
葺治一新

相國寺在淳祐橋東北百步許北齊天寶六年建名  
建國唐時燬爲鄭景宅園景雲初僧慧購爲寺值  
睿宗由相王卽位賜名相國元末燬洪武初僧大

雲重建置僧綱司於內正德八年僧東明重修尚  
書洪鍾爲之銘○費宏詩舍衛結禪林幽棲一徑  
深竹窓懸綠蔓蓮座相黃金解脫身前業遙知去  
後心坐談那忍別殊爲滌煩襟○虞淳熙詩行到  
雲深處雲深故不飛鐘聲遲好月詩思轉明瓊入  
午藤花飯經冬薜葉衣那知人世裏辛苦屬輕肥  
靈芝崇福律寺在東花園崇新巷俗稱蠟燭庵唐貞  
觀己酉年郡人施光慶捨宅建名實際院宋佛印  
禪師重興元季燬元統間僧妙通重建洪武二十  
四年立爲叢林永樂間徵僧能守纂修永樂大典

宣德徵僧如真校修藏典正統徵僧智淳說戒開  
壇爲天下傳戒宗師乙亥年辭朝沐浴坐化 皇  
上遣禮部趙勗諭祭智淳曰爾夙悟善緣堅持梵  
行邇膺榮命爲釋宗師方闡法音導人爲善倏云  
示寂良可悼嗟靈其如存服茲諭祭 賜勅諭祭  
碑額見存爲律宗第一山錢塘縣歲造土牛迎春  
于此○元時劉伯溫以行省都事坐法宿庵中蘭  
俊上人詩云城外春江動客愁江邊細草綠悠悠  
還將短髮臨岐路畏向東風憶舊遊斜日遠天歸  
鴈急薄雲孤館落花稠青燈不放還家夢一夜腸

武林梵志 卷之二  
回一萬周萬曆壬寅僧如堯重修

大慈菴在墓園巷宋淳祐四年僧德殊建洪武三十四年僧可觀重修

金剛廣福教寺在章家橋東晉天成間善果法師扇負金剛懋息于此夜放光明陳少師感異捨地爲寺初名功德院宋保佑年間理宗賜今額至正末燬洪武十八年重建○有衍慧堂御史謝文昌記萬曆辛亥寺僧常秀捐衣鉢募衆重修

妙淨庵卽古妙淨寺在香餅子園萬曆甲寅沈官詹滙集善信重建延雲樓僧大雯焚修於此

祇園寺在東花園獅子巷西北太平興國間僧清照建舊在郊臺側南渡後造御馬院移築于此至正間燬重建

東岡寺在獅子巷西乾德元年德法師建紹興三十二年賜額永樂十八年僧松巖重建

惠林寺在蒲場巷紹興初汴僧惠林禪師隨駕來杭建興國院于天慶坊嘉定四年移于薦橋門外報國寺基改名惠林元至正間展城圍入尋燬洪武初僧曇芳重建

佛惠寺俗呼壽火星庵在仁和縣之義和坊元大德

間建後燬景泰間重建

崇寧萬壽教寺俗呼姚園寺在高陽間巷宋初爲姚氏花園紹興初僧慈昌購園結菴乾道初賜額淳祐二年建膺福殿以奉理宗御容元季燬洪武初僧大雲重建

慈雲寺在高陽間巷周顯德二年僧圓覺建名慈濟大中祥符間改今額理宗書靈感道場四字洪武二十四年立爲叢林沙門延禮重修嘉靖二十年燬僧圓鼎重建

水陸寺在獅子巷南宋太平興國七年生法師建咸淳間僧師則重修內有銀杏二株甚巨蓋宋物也寺故在城外張氏展城圍入○蘇軾寄水陸寺清順師詩草沒河堤兩岸村寺藏修竹不知門拾薪煮藥憐僧病掃地燒香淨客魂農事未休侵小雪佛燈初上報黃昏年來漸識閑居味思與高人對榻論

白蓮寺在僑林橋東晉開運元年吳越王建名華藏院宋治平間改妙惠院咸淳間僧祖顯誦經持戒地產白蓮因賜白蓮妙惠寺額

下水陸寺在平安坊舊名無碍院嘉熙三年被潮水

衝珊僧行椿于太平橋西北無碍院任宋寶佑二年奉禮部符據臨安府四月給帖賜額重建改今名東有古栢軒

孝義菴在菜市橋西卽古無礙菴故址萬曆間禪師祿宏重建方伯吳公及郡邑長各助資給劄名孝義無礙菴方伯郭子章匾曰超塵詳司馬宋應昌記○蓮池禪師少與予同業黌校予登仕禪師出家爲嘉靖乙丑禪師夙志方外以二尊人在不敢離旣先後歲雙失怙恃將力酬所願而室人湯氏年才一十有九前兒殤亡憶子輿之規疑未決已而念風燈石火時不我延遂疾從難染湯處室齋戒禪誦與其母偕母尋故子然斃居宗人議後以三姪文彬無何湯亦脫簪珥爲尼僧召文彬謂曰茲無所事後不後我固無害彼生而養死而服而殯而祭世法也吾學佛存資鉢衲歿歸闍維耳夫何求哉因舉所有田廬普給羣姪於文彬低昂之而別以居屬文彬已從隣僦舍繩樞蓬門夕燈晨香聞如也嘉禾朱公子衷純追厥先大夫銀臺虞對先生遺意首事構菴而予與一時宰官居士比丘某某從臾焉累百金買趙氏故宅宅苦隘水文

學施傍屋一楹附益之又歲久頽圯幾盡衆相與  
施材緇侶之能匠石朽墁畚挿者相與施工施力  
中爲禪堂鑿井於左廡餘垣軒厨溷略備而已予  
惟禪師無子無留貲無素所憑依故舊親戚僚友  
湯以年少婦獨御家政伶仃苦辛多歷年所如一  
朝及其分田割廬皆出本懷亦難矣諸上善人憐  
而菴之義舉也舉于義則十方常住業也後清信  
女展轉相續焚修于此菴遠爲二尊人莊嚴報土  
又孝思之道也按府志菜市橋西有古無礙庵其  
後漸沒入于民家徙而北里之耆氓告予以斯地  
正菴之舊址久湮忽興殆天意非人力而義以孝  
不虛孝以義不泯若交相成而不相悖乃古證  
今合而顏之曰孝義無礙菴沈氏子孫尚其念之  
護之以無忘孝義永爲人天福田流慶淵淵後必  
有昌大其門閭者湯法諱祿錦暨禪師同師關中  
南五臺性天和尚遯禪師出家逾四十稔蓋行年  
五十九而庵成

崇恩延福院在鹽橋下八界舊係西北流寓濠州鍾  
離縣孔雀妙明寺淳熙十四年嗣濮王請爲功德  
院賜今額

聖壽寺卽永福寺在後洋街宋嘉定元年僧永明建  
淳祐間賜額永福以奉秀王香火元至元燬洪武  
初善祥重建宣德十年賜今額

覺苑寺在豐樂橋東宋嘗徙三聖廟于此改賜額曰  
旌忠廟寺久廢宣德中重建

千頃廣化院在木子巷北開平元年吳越王建舊名  
千頃大中祥符九年改賜今額中興後爲臨安府  
祝聖道場僧了性精于醫善草書東坡嘗爲作六  
觀堂老人草書歌趙清獻公名其堂曰垂慈堂以  
著其療疾濟人之功○東坡草書歌物生有象乃

有茲夢幻無根成斯須方其夢時了非無泡影一  
失俯仰殊清露未晞電已驅此滅滅盡乃真吾云  
如死灰實不枯逢場作戲三昧俱化身爲醫忘其  
軀草書須學聊自娛落筆已喚周越奴蒼鼠奮鬣  
飲松腴剡藤玉版開雪膚游龍天飛萬人呼莫作  
羞澁羊氏妹○參寥子千頃解院觀司馬才仲遺  
墨詩朦朧春雨濕村橋竹裏禽啼婆餅焦度谷倦  
聞車軋軋穿林愁聽馬蕭蕭細窺陳迹僧房靜默  
想風流鄙俗消浮魄浮魂今已矣無人爲作楚詞  
招

明慶寺在木子巷北唐大中二年建爲靈隱下院大中祥符五年改今額宋中興駐蹕視東京大相國寺凡朝廷禱雨賜宰執百官建散聖節道場咸在焉淳熙十四年六月嘉熙四年七月皆以禱雨車駕臨幸理宗回鑾撒蓋甘雨隨至平章喬肅公行簡獻詩賀上用韻以賜又御書明慶二大字淳祐六年重建法堂御書南山道場爲額嘉泰三年建閣藏御書扁曰宸奎萬壽之閣有蘇文忠書觀音經碑及題識大智祖師書彌陀字碑又有法喜堂明碧軒○王荆公爲僧修廣作法喜堂詩浮屠之法與世殊洗滌萬事求空虛思心以此不掛物一堂收身自有餘堂陰置石雙嵴嶸石脚立竹青扶踈一來已覺心膽豁况乃宴坐窮朝晡初憶幻時勇自許壯大看俗尤崎嶇豐車肥馬載豪傑少得志願多憂虞始知進退各一理造次未可分賢愚會將築室反耕釣相與此處吟山湖○沈文通詩溷溷學佛者營營良足悲不知佛之樂誰使汝學爲廣師吾州秀智解乃天資旣以法爲喜萬緣脫若遺高堂客滿坐妙語破羣疑來者豈不辨辨此堂之題○王荆公寄題明碧軒詩明碧軒南竹數

堂之題○王荆公寄題明碧軒詩明碧軒南竹數

叢別來江外幾秋風道人無復人間世嗟我今爲  
白髮翁○趙忠簡公明慶僧房夜坐詩月明窓竹  
冷橫斜坐看風燈落燼花老眼病餘嫌細字枯腸  
寒甚怯清茶囊空豈是久爲客夢短其能飛到家  
但有流年尋髮髮蕭蕭蓬葆靖霜華

菩提律寺舊在錢塘門外宋太平興國二年錢惟演  
捨宅爲寺惠嚴七年賜額建炎間火紹興中復建  
有堂二曰南漪堂迎薰堂東坡題南漪堂看杜鵑  
花詩勒于石至元末築城徙寺于憲司異方太學  
街東永樂間節菴守公被召修大典智淳修戒律

別原修藏典約宗亦以高行被召四代入覲亦沙  
門榮遇云正統十一年丙寅七月丁卯朔初九日

皇帝遣禮部郎中趙勗賜祭宗師智淳曰爾夙  
悟善因堅持梵行邇膺榮命爲釋宗師方闡法音  
導人爲善倏云示寂良可悼嗟靈其如存服茲諭  
祭萬曆二年重建後殿內奉旃檀白衣觀音像○

蘇軾題南漪堂看杜鵑詩南漪杜鵑天下無披香  
殿上紅毳毼鶴林兵火真一夢不歸閬苑歸西湖

○菩提寺小軒晚晴詩杭穎雌雄本自殊淡粧濃  
抹是吾姝滿傾漲玉千鍾酒來看鎔銀百頃湖白

鳥去邊山潑黛綠蒲踈處雨挑珠不知能似王摩詰貌得西湖落照無

靈壽寺在曲阜橋東元至正二十一年浙江行省左丞相達識帖睦爾建本畏吾氏世族故稱畏吾寺俗訛爲義烏寺洪武二十四年改今額

安國羅漢寺卽相國寺俗稱西井寺在井亭橋西甘泉坊內宋淳熙十一年開山顯禪師請鳳凰山已廢安國羅漢寺額爲額內有大井唐大曆五年鄴侯李相國所開六井之一寺屢燬以井故至今存上方寺在溜水橋西僧祿宏重建內鑿放生池○祿

宏有記曰武林自宋蹕南駐環湖山禪講律寺粲然棊布星列而郭以內稱焉迨今多半淪沒至不可考諸傳志有上方寺者背倚城垣左右掖湧金錢塘二門前通西井官道蓋肇建後梁貞明七年而國朝景泰四年僧以難事作散去寺隨廢漸蠶食爲民居僅存者什一優婆塞沈善能者廬其中嘉靖二十三年尚寶卿六橋徐公得請于官佃爲圃公無子以畀女遺命還寺女孝且賢持契歸王氏遵父囑以畀雲棲遂復爲僧地如初無何王謝世居士化卿宋君聞其義而高之化卿以世祿

之裔、砥德礪行、樂善不厭、迺輸金贈二子、更與之契、予亦罄衣資、偕善信、旁贖其故址若干、向明正位、別爲迴廊、旋所向、面城而門、取幽寂也、期世世承事三寶、因諭于衆曰、唯上方彈丸、重興伶仃衰微、何修何營、而俾久遠、或議闢草萊、輪奐其殿堂、羣之以僧、僧多則常任、予以爲不然、時丁未、法塔寺靡堅、試屈指而計、凡三門乎闐闐者、捷椎之庭、不爲罇壘之所能幾、僧雖多而行寡、奚以多爲、顧茲地隣城、城隣湖、湖外高而城內卑、隨鋤成流、亢陽所不能涸、因而池之、良便、以池放生、以隙地之

漱堂、稍葺其廷楹、守以二三誠信衲子、蚤莫禪誦、庶幾上祝、皇圖下濟、含識得之一舉矣、或謂物如塵如沙、池一勺耳、容有限、奈何、而庸知夫鑿斯池也、爲之兆也、美引也、引而伸之、而又伸之、汪然徧域中矣、昔子產之畜魚、一勺也、使鄭之人若夫若士、若民、皆然、鄭之與國、若燕趙齊楚、輩皆然、則池無量、所畜無量、不然、西湖古放生池也、謂普容天壤間物、寧有是乎哉、化卿曰、唯唯、與其伸直、卿諸賢士、夫諸比丘、淨人有呈財者、裹糧者、疏其壘而鋏者、畚者、耜者、枯橫泉之撓、而辱者、梲者、埭

者固隄防之浸淫崩頽而埤者堙者礪者礪者捍  
狸與懶而蔽者閑其外侮而版築者憂其寒暑而  
上爲之庶下爲之窟者皇皇乎晝旃宵旰勞不知  
息兼工再閱月而池成于時在筌而釋當金而逸  
洋焉悠焉出而遊焉一勺之內足其從容也予喜  
且懼稽首而告於十方如來主池神主伽藍神願  
以佛力法力賢聖力諸神誓願力慈護而威臨之  
從于今日盡未來際常爲鱗介諸水族等棲止安  
宅又稽首而告於見住僧後後住僧願以戒力悲  
智力念流水之苦躬而澤焦殍天台之抗章而斷  
簷梁智覺之負辜成仁蹈白刃而不悔尚永持無  
戮以風四方敢有叛先盟師陶朱媒利於網罟或  
倍衆而售之乎白衣是名違佛律犯波羅夷諸所  
稱釋子者嗚以羯磨遄擯絕之勿共住卽朋比而  
阿神必陰繫其魂顯僂其形無能逃者旣免焉其  
報盡也墮泥犁中嬰萬苦無竟所以者何好生惡  
死天道也人情也前人捐難捨之貲役所愛之身  
創五濁世不恒見之勝舉以生必死之命置之安  
全後人忍不一深思之而惟便其私圖於天道逆  
於人情不祥從逆凶不祥者災逮鼓桴形影感應

自然非危言怖之也。化卿及諸大衆踊躍歡喜。嘆未曾有作。而曰善哉。是緇與素之龜鏡也。不可使無聞于末法也。而碑上方。頌曰始舉爲興滅。而兼得放生。豈唯滅不滅。生亦無生相。生滅俱滅已。寂滅何有方。以明超於方。無方中說上。無方說西方。其意亦如是。作寺作池人。願共了斯旨。

妙心寺在湧金門內。舊在西湖行春橋南。元至正間徙今所。

長生菴在溜水橋西城下。爲昭慶下院。舊有冲靜真人遺址。萬曆間寺僧智禮募金贖建正殿。掩關六

載粧塑千佛羅漢。○楊廉夫詩。獨坐清都鶴夢長。碧天如水月滄滄。雲和有藥降王母。霹靂無車喚阿香。雪泛玉甌茶吐沫。花零金剪玉生光。仙風不動庭前竹。又送微鐘到下方。○趙孟頫詩。流水橋西一徑斜。青衣相接到仙家。香分橄欖燒銀葉。酒瀉松脂溢紫霞。綠竹滿堦初解籜。碧桃幾樹正開花。何時脫却塵凡累。來叩丹房九轉砂。○聶大年詩。葢宮琪樹罷樓鸞。空有玄都大古壇。野老不尋食玉訣。山人自製切雲冠。杖龍化去秋池涸。笙鶴歸來夜月寒。前渡劉郎偏好事。種桃留與後人看。

比勝廟司馬宋應昌建雲樓大師弟子真玉修淨土  
其中

慈濟院舊在西湖蓮花橋北自牧牛孝公苦志精修  
事母至孝蓋欲廣慈利濟托跡禪那士大夫咸敬  
慕之名因稱焉實爲開山第一代祖事聞于上賜  
號弘慈普濟大禪師卽額慈濟院元末兵燬洪武  
壬子年僧行德重闢于南壁積善坊傍有寶覺寺  
正德十四年僧宗愷重建尚書洪鐘爲之記

真教寺在文錦坊南元延祐間回回大師阿老丁所  
建先是宋室徙蹕西域夷人安插中原者多從駕  
而南元時內附者又往往編管江浙閩廣之間而  
杭州尤夥號色目種隆準深眸不啗豕肉婚姻喪  
葬不與中國相通誦經持齋歸于清淨推其會長  
統之號曰滿刺經皆番書回壁膜拜不立佛像第  
以法號祝贊神祇而已寺基高五六尺扁鑄森固  
罕得闌入者俗稱禮拜寺

慈光寺俗稱鐵佛寺在錢塘芝松坊佑聖橋西晉開  
運初晤恩禪師建宋寶慶二年清河郡王張魏公  
割地擴充名張府功德庵元至正燬正統間重建  
萬曆壬子撤圯殿新之方伯吳用先有記○重建

慈光寺碑記武林有佑聖橋旁爲慈光寺寺有彌勒尊佛以鐵鑄之俗稱鐵佛寺因以名橋晉天福間晤恩禪師卓錫於此迨開運初寺成師時登座講貫彌年通達法華金光明經止觀論咸洞玄微尋施覆述門弟子相次角立宋雍熙三年八月朔日恩於中夜覩白光自井而出明滅不恒謂門人曰吾報齡極矣乃絕粒禁言一心念佛次夢擁衲沙門執金爐焚香三繞其室自言祖師灌頂來此相迎汝當長逝夢覺呼弟子至猶聞異香至廿五日爲弟子說止觀旨歸及觀心義辰時端坐面西而化其夜寺僧皆聞絲竹嘹亮漸久漸遠依稀西去迨九月九日茶毘獲青白圓粒無筭建塔於瑯坡因以事聞上請額御書慈光普照四字顏其門法席之盛甲于通都後宋寶慶二年清河郡王張魏公復捨基廿四間拓而充之共計四畝餘名張府功德庵元至正燬 皇明正統立中成師重建而寶覺寺銅佛庵寺屬焉寺有合抱銀杏五株及放光古井皆宋物樹爲風雷掣去井甚甘冽給數百家大旱不涸咸稱爲慈光甘露泉云第闐闐鱗次湫隘囂塵門難旋馬殿亦漸圯寺僧慧皞年

十九矢志鼎新閉關書蓮經積三年縉紳士庶鑒其誠共爲檀施不脛而馳蓋發願在萬曆甲辰鳩工在丁未至壬子落成中建大雄寶殿高廣踰舊制廊廡門楹委折合度殿左有古逕逶迤紆曲深藏大士居供古佛三尊左右諸天羅漢猊座蓮臺金碧耀射仍重鑄彌勒以識其實約費二千餘金燦然一新其間助成者僧智能護法宰官則中丞金學會太守凌登名孝廉吳之鯨等贊襄則王介朱佐沈坤戴綸張永年而與會有俞普才者助義田供常住爲大殿四時香燈之費噫一念堅持衆緣俱到信非誣矣余觀武林梵宇之盛載在譜牒者什五沿滅大多因山水而存因人而廢如慈光在市廛中無山水之勝而古刹聿隆則皞志可述也余因書殿額爲擿而錫之以記

慧安寺在十三灣巷晉天福間吳越王爲明律師建于草橋門外羅木營地元季燬洪武初僧得實移于錢塘保安坊東永樂乙未又移今所少保兵部尚書于謙爲之記

寶梵寺在鎮海樓北晉天福初建于崇新門外名崇壽院宋淳熙二年徙建今所崇寧元年賜額寶梵

洪武二十四年併入慈雲永樂元年重歸原所尚書夏原吉爲之記

海會寺吳越王建舊名石佛智果院宋大中祥符間改名積善海會寺嘉泰間燬至正間重建平章夔夔子山書大海會寺額御史大夫慶童書觀音寶殿額成化十年火踰年僧浩中重建

百法寺在石龜巷宋建炎初僧寶寧建有大佛半身依山鑿石爲之淳熙十四年賜額廣潤元時改額百法趙子昂書元末燬天順元年僧道冲重建

寶奎寺在吳山之陽宋丞相喬行簡故第竒石峭拔

東望海門如在咫尺紹定間理宗幸其第書見滄二字又書雙現樓孔山二軸五大字賜之勒之厓石遂捨宅爲寺以寶奎請額詔從之元季燬弘治間重建有月江和尚欽取和番化導留彼不回成化改元其徒道澤日持金剛經爲課游天目重建昭明道場畢還山是時寺跡瓜分而寺所存者僅見滄石與殿基耳澤具奏恢復逮繫藩司理問所獄仍日持金剛經不輟半年餘岳伯忽夢感老僧覺而徧物色之有以澤言者卽出獄見之宛然夢中僧也遽然驚異卽師禮之成化二十三年重

建尚書洪鐘爲之記

寶成寺晉天福中建名釋迦院宋大中祥符間改今額歲久廢爲黎氏園萬曆壬子方伯吳公清復捐貲建大觀樓開砌石徑煥然一新壁間有唐宋時石觀音羅漢像甚古有蘇子瞻寶成院賞牡丹詩春風小院却來時壁間惟見使君詩應問使君何處去憑君說與春風知年年歲歲何窮已花似去年人老矣去年崔護若重來前度劉郎在千里詩鐫石壁筆法甚遒其旁有歲寒松竹四字乃成化間吳東升題者○浙江叅政左贊詩吳山曲徑入西南方丈雲深僧兩三艾衲吹風香細細葛藤冒日影氍毹泉分童子青衣洞塵斷維摩白石菴晝省若逢公事了海天送日再停驂

雲居聖水寺舊名雲居禪菴在七寶山元元貞間中峯禪師建山皆本府財賦地師請而得之芟荆棘夷岩塹構殿宇不置恒產惟資檀施或持鉢化緣立爲常規俾後嗣永守至大巴酉傳之中舟復增廣之因闢殿基得古井浚之得三石佛首遂名三佛泉鄧文肅公文原爲之銘中峯常居之有雲居八景詩趙子昂墨跡萬曆間都閩某見井中有光

掘得磁觀音像瑩然如玉建閣奉于寺舊有法華  
松數百株蒼虬翠峙爲任持歷年損削殆盡又有  
中峯拂塵麻鞋復有小像一幅神氣如生相傳爲  
中峯自寫上有贊云幻人無此相此相非幻人若  
喚作中峯鏡面添埃塵和甫雙眼碧能辨踈與親  
請掛向空壁日日生陽春○夏原吉詩誰闡雲居  
境峩峩瞰古城西湖晴送碧上竺曉分青經鎮千  
亩妙鐘鳴萬戶聲此中真可樂何必訪蓬瀛○沈  
夢麟聖水寺詩白雲長繞梵王居湖上諸山總不  
如客至每煩塵榻下詩成那問酒尊虛摩挲修竹  
三千別抖擻塵襟一旦舒更待牡丹庭下發重期  
來此賦元輿

上方菴爲聖水下院與法華松接武峭石林立中有  
一滴泉極岩壑之勝昔東坡共佛印時過趺坐於  
此泉滴如注寺僧苦爲游觀累鑿敗而石現存  
金波禪院卽金波廟在金波橋宋淳熙元年建勅賜  
聖旨二字東坡書扁見存萬曆癸卯慈光僧圓美  
慧皦重建歸併慈光寺普照堂中丞金學會有記  
寶嚴院在七寶山唐清泰二年錢氏建名瑞隆宋治  
平二年改今額寺有垂雲亭借竹軒淳祐間建佛

閣理宗御書無量福海四字○陳古靈垂雲亭詩  
小亭巉絕出雲間萬像升沉不得閒莫怪詩翁頭  
白早時來向此寫湖山○東坡詩三首江山雖有  
餘亭榭着難穩登臨不得要萬象各偃蹇惜哉垂  
雲亭此地得何晚天切爭向背詩眼巧增損路窮  
朱欄出山破石壁狠海門浸坤軸湖尾抱雲巘葱  
葱城郭麗淡淡烟村遠紛紛鳥鵲去一一漁樵返  
雄觀快新獲徵景收昔遁道人真古人嘯詠慕嵇  
阮空齋卧蒲裊芒鞋每自捆天憐詩人窮乞與供  
詩本我詩久不作荒澁事鋤墾從君覓佳句咀嚼  
廢朝飯○卧病彌月垂雲亭花開順閣黎以詩見  
招次韻答之曰道人心似水無礙照花妍燕坐春  
強半清陰月屢遷平生無起滅一念有陳鮮嫋嫋  
風枝舉離離日萼薦病吟終少味老醉不成顛何  
必鰲頭出湖中有散仙○僧怡然以垂雲新茶見  
餉報以大龍團仍戲云妙供來香積珍烹具大官  
揀芽分雀舌賜茗出龍團曉日雲菴暖春風玉殿  
寒聊將試道眼莫作兩般看

廣嚴寺在七寶山清泰元年錢氏建舊名瑞隆宋治  
平二年改是額寺有雙竹甚奇南渡後分寺基爲

御厨營景定初重建王架閣應鳳撰記又有司馬  
文正公詠雙竹詩并序草木類同而種異者竹爲  
多杭州廣嚴寺有雙竹其狀尤異于枯樹腹中自  
其頂出森然並竦樹如龍蛇相縈矯首呀然余遊  
見之爲賦詩曰雙幹格枯腹青青几幾霜龍騰雙  
角直鯨噴兩鬚長旣欲尋支遁安能問辟疆屢來  
非別意未與此君忘○蘇東坡遊七寶山并序去  
年秋遊七寶山上方入小院闐然無人有一僧隱  
几低頭讀書與之語漠然不對問其隣之僧曰此  
雲閣黎也不出十五年矣今年六月自常潤還復

至其室則死葬數月矣作詩題其壁云雲師來寶  
山一住十五秋讀書常閉戶客至不舉頭去年造  
其室清坐忘百憂我初無言說師亦何對酬今年  
復扣門空房但颼颼云已滅無餘薪盡火不留却  
疑此室中常有斯人不所遇孰非夢事過吾何求  
開元寺在鳳山門內唐玄宗時建宋建炎間徙建于  
西湖元季兵燹復徙故址正統五年禮部尚書胡  
濙記○劉士亨贈寧和尚詩清平山下古叢林主  
席知師道行深菩薩每分香積飯伽藍常護給孤  
金誦餘千偈燈生暈坐斷諸緣樹轉陰媿我未能

五林苑志 卷之一  
修淨業塵勞空役利名心

開寶仁王寺宋汴京開寶寺有仁王院高宗南渡僧  
慧照隨駕卓錫于此遂建寺如汴京紹熙二年賜  
額景定五年燬景泰間重建尚書孫原貞記○薩  
天錫登橫山閣詩千尺青蓮座烟霞擁地靈山川  
幾兩展日月兩浮萍鳥渡天垂海龍歸水在瓶深  
堂說法處應有石頭聽

定水寺宋乾道八年建於萬松嶺嘉定八年移清波  
門外元至元十三年築城徙七寶山佛泉巴西鄧  
文原爲之銘曰我觀大地積水所載孰疏鑿是大  
虛無外掘地及泉視之縈帶如履冥塗破諸障礙  
其源淵谷其瀉湍瀨不止不流以與井會瑞相見  
前示我三昧彼壞者石實相不壞是實相故遍恒  
沙界以一勺甘除世渴愛是相是水無在不在我  
作銘詩以警盲聵

戒壇院在祥符橋內有鐵塔基錢王井經略宋應昌  
贖建延僧廣泰任持

武林梵志卷之二

桐城吳用先訂定

渤海吳之鯨採輯

城外南山分脉

由鳳山候潮上至風水洞下至艮山

梅竹菴上中下各據其一在萬松嶺境幽路仄高可

眺江

般若院在上梅竹左徑舊廢萬曆甲午僧真誠定淳  
重建有普同骨塔

報先菴在孔家山萬曆己亥僧普明建仁和令劉洪  
謨倡緣樊良樞有碑記并卓錫青松額○樊良樞

鳳凰山報先菴記鳳凰山都會神臯也山之陰萬  
松書院本報恩招提舊址弘治中參知周公毀寺  
建院祀先師孔子配以四賢令孔氏子孫世守之  
號曰孔家山云山夾道多巨松蒼蒼盤鬱自萬松  
坊迤邐入有半剎焉曰報先萬曆己亥普明上人  
來自匡廬卓錫茲山吾鄉劉公洪謨爲邑宰于斯  
也邑人直指金公階州牧孔公承士請復爲菴菴  
環堵皆山也左薄湖濱右挹江濤拱城闔而負八  
蟠可盡茲山幽絕之勝山後有古松三株婆娑偃  
仰有干霄凌風勢則郡邑之陽所隱映也普明物  
後弟子庶勝能守其衣鉢勝亦吾鄉人也所奉象  
教移自廬山歲以西江檀越餉米爲伊蒲供惟飲  
茲山泉水爾泉皆自來從石罅中流淙淙足供茗  
椀諸比丘皈依勝上人漱風嚙月諷誦不輟高足  
蕭然予觀虎林招提之在湖山者未有不以湖山  
累者也叢雲香閣飾以丹璇碧澗竹林雜以金翠  
則中央渾沌鑿矣市聲喧虺車塵霧起歌舞雜遝  
壺觴交錯遂令淨土化爲火宅良可愾歎獨茲山  
與市廛遼邈幸不爲人所居而菴踞長松修筠之  
間白雲一塢流水一泓優鉢花香菩提樹茂庶幾

清淨之場勝上人與諸比丘逍遙雙樹繙演三車  
惟聞空中山谷苔響而已上人句予一言爲山靈  
護此山有靈後必有供養護法卽如劉公與予不  
佞先後合揆雖使佛氏精舍與孔林並存可也  
報國寺在鳳凰山麓卽南宋垂拱殿基殿角銀杏樹  
有實無心楊載錢塘懷古詩云萬年珠樹落秋霜  
蓋指此也至元十一年賜額禪宗大報國寺妙濟  
禪師開山延祐六年燬僧大新重建元末燬于兵  
洪武二十四年立爲叢林萬曆丙午僧海音新葺  
舊有大雄殿大悲閣碧梧軒舞鳳軒皆宋制元廢

南宋大內爲五寺而此獨存

梵天講寺宋乾德中吳越王建名南塔治平中改今  
額元元統中燬永樂十五年重建有靈鰻井金井  
石塔二高五丈列門之左右先是四明阿育王山  
有靈鰻井吳越王迎阿育舍利歸梵天寺奉之鑿  
井南廊鰻忽見寺以蘇東坡爲伽藍與玉岑山爲  
二僧贊寧有記○王在晉重脩梵天寺建觀音閣  
碑記杭有鳳凰山唐以前建州故吳越爲國治宋  
南渡以山爲行宮山如翥鳳兩翅翩然左薄湖右  
掠江碧流滌溯水光相映山之東麓環入宋都宮

禁苑蒼翠華麗佳氣鬱葱經鳳山門折而南又南折而西爲梵天講寺宋乾德三年吳越王所建也初名南塔治平中改今額燬於元元統間重剏于永樂十五年蓋年久而傾圮矣僧成杉于嘉靖甲子建佛殿仁良于萬曆甲辰建天王殿山門來綸于萬曆壬子募鄉紳洪給諫黃儀部等仝建觀音閣而梵天古刹煥然增飾焉又鑿得水池泉窖題名玄鏡而南塔故墟儼然稱勝焉夫自宋乾德至今爲年六百五十寺經幾燬燬而復興無改于乾德之舊法宮梵宇與江海湖山同茲永奠回視和寧祥曦集英崇德明堂郊祀翬飛翼拱變爲綠莎蒼薺金鋪鐵葉化爲枳棘銅駝亭臺圍圃踐爲甌窶汗邪兩川晴霽萬家烟火若明若滅如聚如散空中之色色色成空而獨最勝招提法身非相無假三輪常依無住之住蓋皇王大業有而非有雖凌厲一世卒歸于無空門淨緣無而非無卽興歇相尋仍歸于有有歸于無視循環之天命無歸于有藉不朽之人心人心常存則佛法如在佛以無相爲體以不住爲宗以妙有爲用三塗法界總集諸天護持消磨劫煞佛說無盡法我願世人結無

盡緣吳越宋元偏全世界眼底一瞬法華圓滿寂  
照堂前年復如是請觀靈鰻井問四明阿育王三  
界浮沉倏忽變遷徙倚孰無孰有山頭明月夜夜  
照人來去不似宋行宮淒淒冷冷也只今梵天無  
改諸達官標題具在其合掌以告之諸天是爲記  
○僧志銓詩落日寒蟬鳴獨歸林下寺柴扉夜未  
掩片月隨人履惟聞犬吠聲又入青蘿去○蘇子  
瞻和詩但聞烟外鐘不見烟中寺幽人行未已草  
露濕芒履惟應山頭月夜夜照來去○寒食遊南  
塔寺寂照堂詩城南鐘鼓闐清新端爲投荒洗瘴  
塵總是鑑空堂上客誰爲寂照鏡中人紅芳歸去  
風驚曉綠葉成陰雨洗春記取明年作寒食杏花  
曾與此翁隣

棲雲菴由梵天中山居循徑而上高樹密篠彷彿觀  
江濤幽閒可結禪習貫酸齋棲隱處貫之父楚國  
公貫只哥雲石遂以貫爲氏號曰酸齋年十二三  
齊力絕人使健兒驅三惡馬疾驅持槊立而待馬  
至越二而跨三運槊生風觀者辟易或挽強射生  
逐猛獸上下峻阪如飛稍長折節讀書目五行下  
庵其修葺之所也西可達龍華寺

勝果禪寺唐乾寧間無着喜禪師建吳越王鐫彌陀  
觀音勢至三佛及十八羅漢像于石壁宋慶曆初  
郡守鄭戩奏請額曰崇聖寺至正燬洪武初盥初  
敬公重建苗衷有記永樂燬嘉靖戊午僧正因復  
建寺門向有江山勝槩額蔣公暉題并書榜云入  
深松徑開名刹上盡雲峰見大江山形翔舞如鳳  
江潮泮泮松徑盤紆澗淙潺湲真偉觀也殿旁爲  
將軍池鐘樓鐘本宋景陽舊物嘉靖間胡中丞取  
鑄爲軍器壬子重鑄仁和令樊良樞有鐘樓記登  
顛爲千佛閣廢基上爲三松頂側爲崇聖塔相傳  
高七級二十餘丈宋景祐建下爲柳浦綠陰垂垂  
無異宮堤桂洲夏公讀書其間題曰天峰孤嘯筆  
勢飛舞今在松濤閣有介亭祖無擇建中峰亭中  
峰習禪定于此忠實亭高宗御書鳳山二字宋洛  
王書金星洞晦夜放光石通明洞飛龍石飛雲洞  
上天梯觀微石許僧泉泉不盈握大旱如注卧醉  
石霧岩題石平如掌長江在枕上歸雲洞躍雲石  
石側爲竹塢卽懶耕禪師塔院僧洪恩書檀樂齋  
吳之鯨額乘鷺閣并榜云踈徑曲穿巖異石紫蘿  
深護吸天花蓋竹與石交勝云循級而上卽月岩

規峰削立有隙如鏡中秋子夜相映如合璧題詠  
半多薜剝伏石如虎大中丞梅林胡公望海烽崇  
飲于此至今有去思碑最上爲御校場宋殿前司  
營親軍護衛之所石笋隊列名排牙石一名隊石  
相傳孝宗時登頂閱江操執鐵杖六十觔許上下  
如飛以志恢復一稱女校場至此則江湖俱在指  
掌而龕楮對峙海門一線盡入覽觀矣○唐僧處  
默詩路自中峰上盤回出薜蘿到江吳地盡隔岸  
越山多古木叢青靄遙天浸白波下方城郭近鐘  
磬雜笙歌○王介甫詩登高見山水身在水中央

下視樓臺處空多樹木蒼浮雲連海氣落日動湖  
光偶坐吹橫笛殘聲入富陽○蘇子瞻登介亭餞  
楊傑次公詩藍輿不出登山門喜與我友尋仙村  
丹青明滅風篁嶺環佩空響桃花源前坡欲上已  
蠟屐黑雲白雨如傾盆今辰積霧卷千里豈畏觸  
熱生病根在家頭陀無爲子多與青山爲弟昆孤  
峰盡處亦何有西湖鏡天江抹坤臨高麾手謝好  
住清風萬壑傳其言風回響荅君聽取我亦到處  
隨君軒○圓法師詩并敘云勝果名利相望而高  
軒虛閣盡得江山之勝槩因誦謝宣城天際識歸

舟雲中辯江樹之句頗類是景用以爲韻成詩十  
章寄勝果裕師開士雖不足發揮騷雅庶寫相懷  
之心耳○江色杳無極渺渺接遙天歸帆帶夕陽  
去鳥衝寒烟幽景不同觀遐想成斯篇○樓閣聳  
岩崑參差極雲際高牕曉色鮮晚景餘霞麗寥寥  
羣動息真心遠塵世○冷淡杳難羣幽趣惟吾識  
高情薄雲漢清談潤金石不學浮世人奔名競雕  
飾○惟靜百慮忘軒開萬象歸空江荅夜鐘高嶠  
留殘暉幽砌絕塵踪孤雲自依依○顧惡如探湯  
觸物類虛舟他人莫已知此道本吾求獨坐時相

懷斜陽下危樓○崔巍高山側觸石生片雲自將  
霖雨期不與塵土羣杳杳游太虛對此幾思君○  
高蹟將誰親幽棲白雲中開階吐蒼苔古木生清  
風時將西竺詩講議訓來蒙○靜躁各所好是非  
安能辨聲利如我仇雲泉若牽挽寂寂深林中芳  
菲自堪攀○羣峰聳危碧倒影沉空江清景生晚  
晴冷色涵虛牕逍遙縱吟賞能使吾心降○海日  
照吟軒江風動庭樹此景樂閑情何人識高趣登  
樓獨難望杳杳空烟霧○王伯安詩江上但知山  
色好峰迴始見寺門開半空虛閣有雲住六月深

松無暑來病肺正思移枕簟洗心兼得遠塵埃富  
春咫尺烟濤外時倚層霞望釣臺○深林容鳥道  
古洞隱春蘿天迴聞潮早江空得月多冰霜叢草  
木舟楫玩風波巘下幽棲處時聞白石歌○豫章  
王孫朱多炷登勝果詩大內離宮已盡荒空餘臺  
殿鎖醫王諸天欲雪藤蘿紫淨土非春草木香山  
到隔江排作鳳石眠當路叱爲羊攀緣削壁窺竒  
絕海月先穿一線光○蕭一中詩秋月同看此夕  
圓坐中風景共悠然微茫山色青天外隱見江濤  
綺席間蓬鬢漸因時節改壯懷徒爲世情牽巘前

高閣空寥濶莫惜清尊酒盡添○鄭繼之御教場  
詩萬峰雲木鬱蒼蒼古壘仍存閱武場南渡關河  
雙眼盡中原風物百優傍尚傳草莽開黃屋想見  
龍蛇遶御床往事只今俱灑淚兩階千羽意何長  
○仁和令樊良樞鐘樓記鳳凰山志稱鍾一郡王  
氣而勝果寺居其翠微釋處默詩云路自中峰上  
盤迴出薜蘿遂爲千古名勝上方鐘磬與下方笙  
歌齊鳴咎響抑何盛耶自昔唐迄宋 明歷千劫  
矣舊有巨鐘每晨鳴如鳳應朝陽歲久鐘從樓圯  
寸筵不發道場岑寂郡邑風會若或缺焉萬曆庚

戊之夏樊子宰是邑會壑上人登猊座說楞嚴經予數過從因笑謂壑公淵明過虎溪乃不聞鐘故應不攢眉去耳于是吳伯霖爲南郊檀越與壑公謀與道場首議三匝而鳧氏之鐘爲最虞長孺先生感而疏之謂予喜聞桐魚之扣必能引七寶杵發此鯨音也夫引七寶杵者余則安能壑公高座搥鐘說法令三千大衆盡開聾聵余亦能扣者耳若夫長孺以大覺証菩提伯霖以大乘觀聲聞予尚不能開解庶幾聞此霹靂聲醒我睡夢中人也華鐘旣鏗鳳凰其鳴郊雉皆雊蒲牢震吼政于是

和地于是靈人文于是乎興鐘亦綦重矣鐘樓成而後開薜蘿之徑啟松濤之閣舉中峰歸雲二三室次第振飭此伯霖所謂素樸略施點綴而曇林蓮社共證勝果者也○樊良樞遊勝果寺一徑青蘿合逶迤白石橋天低吳苑樹地圻浙江潮寒曉催僧臘春雲斷野樵言尋無着子雙澗落風飄○月岩夜坐長林穿窈窕巨石劈谿砢磴轉團風葉岩空結雨花步檐窺月脇拂渚下星槎不記歸時路春燈亂暝鴉○夜宿松濤閣古刹開幽徑長松漱碧谿卷簾江色近隱几石幢低林暝深巢鷓潮

生遠應雞獨憐僧夢穩片月下窓西○鳳凰山懷  
古滿目山河似裂縉鳳凰峰勢闔峻嶒百年霸氣  
迷秦望萬樹寒烟積宋陵江浦聽鐘潮乍落海門  
凭檻月孤升登臨不下牛山淚林杪幢幢見佛燈  
善應總持菴在尊勝巷宋開寶六年錢王建于西湖  
南山曰總持治平二年改寶林院有可賦軒景定  
間遷建于便門鐵箭巷改善應總持元至元三十  
一年復遷建今所○張孝祥可賦軒詩光明獵獵  
上烏巾不羨西湖爛熳春借我繩床對修竹爲君  
一洗軟紅塵

圓通菴去總持可百武宋紹興間僧德厚建門有大  
井極甘冽通鳳山泉脈萬曆僧德雲圓曉重修

從此自東而  
北至良山門

福田慶壽寺在候潮門外普濟橋宋寶祐二年徐路  
鈐捨宅建寺請額曰福田以居白石皓禪師元至  
治間燬泰定間重修復請額加慶壽二字洪武二  
十四年立爲叢林

延聖寺在候潮門外宋乾德間吳越王建于清波門  
外名土宿院天聖二年超法師沿江施食以濟修  
堤之士詔移院于今所賜額延聖嘉定年間御帶

陳玉節于寺側建天妃殿崇奉海神元元統乙亥  
重建洪武二十四年立爲叢林

普濟寺在候潮門外普濟橋對宋太平興國元年建  
有理宗元命殿御書曰祈永度宗元命殿御書曰  
申祐皇太后元命殿御書曰順福有閣以奉觀音  
大士御書曰圓通寶閣石碑具存元初以祈永殿  
奉五顯之神元末燬國初重建周宣靈王祠

萬壽寺在江口寺內有鰲背觀音像甚古俗稱淨因  
羅漢萬壽觀音卽此也門有江陽第一山扁

資教菴在候潮門外宋大中祥符元年僧堯道夫啟

初庭建名火星菴宋末燬元大德間生禪師重建  
請額曰火星資教院洪武二十四年歸併延聖寺  
潮音菴在候潮門外大郎巷元延祐間僧永暹建  
黑菴在跨浦橋

吉祥寺在擺木營左宋紹興間建于臯亭山咸淳九  
年移建今所洪武二十四年歸併福田寺

寶華院在擺木營東灰圍巷口伏虎廟側

聖壽禪寺在永昌門外灰圍巷俗稱小新菴嘉隆間  
無塵禪師燃指供佛持戒精猛殿廡俱重新

鎮海禪院在永昌門外仁和縣會保四畝瀕江爲刹

俗稱海潮寺萬曆三十一年僧如德性和海仁建地約五畝餘郡邑給帖焚修接衆凡進香普陀者必聚足於此猶徑山之有接待院也與巽峰新塔相望

真如寺在永昌門外真如巷宋建炎三年僧普慧建  
洪武十三年僧俊堂重修

正定菴在永昌門外陳鐵巷元至正間建

普陀菴在永昌門外近江塘銀杏樹元至正間僧立  
宗建

永慶寺在清泰門外宋時楊節使香火開寶二年建  
紹定三年燬景定四年重建元大德至正間曉大  
師重建

延壽白石寺在慶春門外宋建隆二年建于艮山白  
石村元至正間燬洪武三年重建二十四年立爲  
叢林永樂十二年移建今所

崇福寺在艮山門外宋雍熙間建大中祥符元年改  
今額大觀間燬紹興間重建元末燬洪武十六年  
復建

因果寺在艮山門外晉開運二年錢忠懿王建名崇  
壽宋大中祥符元年改今額元末燬洪武二年重

建

寶界寺在艮山門外梁貞明間建于城中名翠峰宋治平間改今額移建今所

定香寺在艮山門外宋乾德四年建于西湖上今定香橋是也名香積院治平二年改今額寶慶間建旌德觀移建今所

月塘寺在艮山門外何衡店宋淳熙間建在月塘之北嘉熙三年潮壞徙今所元至正初潮水復壞徙高原尋燬洪武間重建月塘者沙田也土脈宜瓜宋有周姓者善種瓜號周家算筍瓜側有中新院

正宗菴在山川壇北元至大間僧大方建

鳳山從此自西而南

至五雲山雲棲寺

大慈禪寺俗稱包山寺宋乾道九年僧德殊建淳熙間賜額寺後石壁蒼翠古樹葱鬱有泉甘冽不減中冷虎跑

下天真寺與包山聯界齊高宗朝建武年普正大師建永樂元年洪演法師重建成化二十三年壽峰善禪師重建善師建十刹之一也

六湛菴在邊家山其上爲桃花關石壁有蒸霞二字桃花嶺側有福泉菴

善慧禪寺元延祐間建伏龍岡禪師道場有涼馬池  
○袁福徵詩岡迴壁障宅清池扈蹕歸林飲馬孳  
勝地賴僧全據有爲園須客小規隨林端宰樹無  
尋主窓下經鐘伏講師境絕通江泉竇出青藜惟  
許校書知

真覺院 洪武初徐一夔有記

淨因寺在和肅坊元延祐己未僧斯受建有銅佛三  
像銅塔一座桐木十八羅漢像元末燬武庚午  
僧法瀾等重建弘治壬子僧宗謚等萬曆癸卯僧  
鳴奉明濟等相繼重脩昔有道人竊銅佛一臂以

去未幾臂腫潰不可治哀悔投誠化金修臂而逝  
俗稱新寺

普福菴在桃花嶺下石井上

萬壽菴僧智光智燈建

奉聖禪寺舊名廣福院在鴻鴈池北宋開寶三年一  
真法師建宋大中祥符元年改今額正統十四年  
僧廣仁任持重建歲久傾圮萬曆丁酉僧圓松重  
建觀音殿一真堂馮夢禎題無諍軒大雄殿殿前  
臨池有彌勒殿後有大用全行中仁兩法師塔辛  
亥落成○黃汝亨贈寄雲行空原不礙出岫總無

正林苑志 卷之二  
心汗湧人間世因依祇樹林和風臨翠蓋倚日上  
高岑五色誰能擬峰峰托影深

普寧菴在鴻鴈池南宋孝宗隆興元年道慧禪師開  
山請額宋末燬元仁宗皇慶二年僧了清重建洪  
武二十四年歸併萬壽寺萬曆元年重建僧宗林  
字大章號朽菴弘治八年 欽宣到京提督臺山  
校正清涼通傳入歲正德間欽賜紫衣玉帶法王  
佛子大宗師後歸北京西直門外大香山寺欽建  
宗師府賜祭嘉隆間坦然寧禪師解脫能文作偈  
擲筆而逝○朽菴詩新命傳來墨未乾櫛風沐雨

上長安低頭懶進三公位洗足羞登萬壽壇聞戒  
過多持戒少承恩雖易報恩難何如只向山中住  
松竹蕭蕭共歲寒○再拜下楓宸衣香御路新九  
門三月雨千里一歸人馬踏殘花路鶯啼細柳春  
因思頭白母心火熱如焚○坦然師自讚偈云開  
化住山活埋叟氣弱神衰形貌醜惟耽眼底看枯  
心懶向人前閒論口自從學做箇中人一步不曾  
圈外走虛名日午打三更假相面南觀北斗徒衆  
門人得許多冷債家錢俱沒有留下一條拄杖子  
接振宗門須後手坦然用處活如龍後與兒孫龍

未守何如得我本來真紙墨壞時渠不朽只在傳  
心是遺囑無群野犴作獅吼呵呵痛棒痕消屈自  
伸莫問天長和地久

道林寺在普寧菴西廣順元年建額普濟院大中祥  
符二年改額元祐七年庚申松岩法師重建至正  
初僧恩斷江增廣之且爲化人壇至正末燬重建  
龍華禪寺舊名龍華寶勝錢王以瑞萼園捨建有傳  
大士塔像拍板門槌今皆不存傳大士故漁人也  
遇嵩頭陀語曰我昔與汝于毗婆尸佛前發願度  
生汝今何時還兜率宮指令臨水觀影大士乃見

圓光寶蓋便悟前因夫婦雙修頓通佛法梁武帝  
召見壽光殿共論真諦大士曰息而不滅帝又請  
講金剛經大士揮案一拍而起帝不喻再請講大  
士乃索拍板升座唱四十九頌頌終而去○蘇子  
瞻大士像贊云善慧執板南泉作舞借我門槌爲  
君打鼓宣德四年建傍有十景瑤華洞千官塔聞  
經臺法華池落日崖四顧坪望海松片雲石奇雲  
洞白龍洞舊爲貫雲石別業有司馬溫公祠今廢  
山麓有宋臣齋宿題各隸書石刻今存  
兜率菴在四顧坪右古壁有小石佛三尊乃傳大士

宴坐處僧佛石結庵於此傍爲竒雲洞壁間詩有  
越山吳地半江分之句左又一洞內有石儼然觀  
音像因名山頂有圓池相傳有彌勒殿菴卽理安  
寺下院菴傍有無塵禪師塔

永壽禪寺在慈雲嶺舊名資仁後改上石龍永壽院  
吳越王建石壁上刻宋仁宗佛牙讚一名石佛寺  
左江右湖大堪振衣竒岩黝洞荒葛蒙罍萬曆間  
新築石亭議依石建閣以收大江全湖之勝工未  
就

上天真寺在登雲臺梁龍德元年吳越王建成化年  
毒峰善禪師重建殿後石洞中卽毒峰真身覆以  
缸龕古色凜冽有毒峰語錄十卷行于世板存寺  
中

天龍禪寺在慈雲嶺之陽唐真覺禪師建宋乾德三  
年吳越王建以居鏡清禪師大中祥符元年改名  
感業建炎三年大火唯木觀音像獨存紹興十三  
年建園丘以淨明院爲齋宮以感業居從官從此  
僧徒漸散而寺亦圯元延祐間僧道平重建至正  
間南北兩山諸刹或毀或頽惟天龍僅存寺有堂  
扁曰天龍趙子昂書曰天龍深處俞本書曰山舟

貫雲石書寺中有凝翠井寺外夾道植松王鼎書  
松關扁于谷口元泰定平大道貴無用兩禪師重  
建嘉靖間燬明迪明壽重建萬曆二十三年寂時  
普鈺鼎新之有大雄天王觀音三殿東西隱○余  
士吉詩龍飛鳳舞兩峯迴王氣纔銷萬宇開卓錫  
地侵行輦地雨花臺近拜郊臺草分野色綠城去  
風引江聲入寺來三百年過如昨日老僧猶說舊  
蓬萊○劉士亨山舟詩高僧住處屋如舟卧穩渾  
無夜壑憂篙櫓不施隨地泊波濤已斷樂天游香  
飄半入蒼龍窟夢落多迷白鷺洲喚起酸齋狂學  
士虎溪溪上共夷猶

淨明院郊壇齋宿有易安齋梅花巖高孝兩朝御和  
詩蒲山皆櫻栢舊有江月菴筇寫亭

天華禪寺舊名千春龍冊天龍禪師說法于此因散  
天花名說法臺宋淳熙甲午鏡清禪師有傾軫妙  
音樓化生池卽禁蛙池說法時此蛙不鳴故名嘉  
靖間里人夏素菴捨山僧德隆重建

勝相寺俗稱五丈寺萬曆間燬僧如准重建○程中  
書珉作寺記寺負錢塘就山唐開成四年建曰龍  
興千佛寺後西竺僧曰轉智冬夏一楮袍人呼紙

正和志 卷之二  
永道者走海南諸國至日本用五金鑄千佛塔以  
五百遣使頒日本使者還智附舶歸風鳴海涵舟  
且傾智誦如意輪咒俄見如意珠王相十首八臂  
度十丈風息遂濟智謀揭高粱可容十丈勝相以  
荅佛施時千佛寺乃僧光王之有閣高八丈以閣  
爲殿主五丈之像者二合爲十丈治平中改賜今  
額建炎間灰于臘寇唯勝相一閣屹然雲際不墮  
劫火紹興初光之孫曰清中興之清有孫性奕世  
經理乃克大備乾道間光堯皇帝聖子神孫三殿  
臨幸頒賚甚渥由是聲益振今師壽者性之法子

清峻自厲壯耄一日架鐘繚廊宿仆盡起增光疇  
昔東朝帑賜之風連邇遐而舍予日至且有施田  
以惠亡窮者嗟呼現十丈無影之形而奪海航之  
人于魚龍之腹要爲奇事至于動三殿之臨幸感  
東朝之恩錫豈偶然哉紹定己丑仲夏記

妙因菴在妙因山有普同骨塔傍卽吳越文穆王墓  
保和寺在龍山下閘有鐵沙河水遶寺右流出官河  
宋寶祐甲寅建至正元年重建嘉靖三十四年僧  
圓珍重修萬曆二十七年僧寂誠重修

九曜寺在檐水巷俗稱安家堂安家捨堂爲寺故名

相傳宋曹彬下江南時建至今奉彬爲土神宋紹興中普明禪師開法席苦近地無水夜夢神從地現旦泉湧甚甘今稱龍山泉亦稱上井殿久圯嘉隆間僧上菴真定相繼重建

廣澤禪寺舊名甘露晉天福六年吳越王建有泉一泓甘澄可愛若甘露然故以名寺宋治平二年改額廣澤洪武九年僧東明建正統間壽峰善禪師重建嘉靖十五年僧天祥真重建有甘露橋入徑度山課嶺有引路松數百株

定慧禪寺俗稱虎跑寺唐元和十四年僧寰中建憲

宗賜額曰廣福院大中八年改大慈禪寺僖宗乾符間加定慧二字宋末燬元大德間重建又燬正德十四年寶掌禪師重建嘉靖十九年又燬二十四年山西僧永果重建○宋濂虎跑寺碑記虎跑泉在杭之西湖南山大慈定慧禪院距城十里而近唐元和十四年性空大師來遊茲山樂其靈氣鬱盤棲禪其中尋以無水將他之忽有神人跪而告曰自師之來我等徼惠者甚大柰何棄去南嶽童子泉當遣二虎移來師無憂也翌日果見二虎跑山出泉甘冽勝常大師因留止建立伽藍宋蘇

文忠公守杭日爲之賦詩有虎移泉眼趨行脚之  
句蓋紀實也大師諱寰中蒲坂盧氏子得法于百  
丈海一時龍象如南泉願臨濟玄趙州諗巖頭燾  
雪峯存無着喜欽山遠咸來咨叩道要則其德服  
鬼神彰灼靈異有不難致者於戲拔劍刺山水爲  
之湧折腰拜井泉乃仰流武夫健將一誠之所格  
尚若此况大師心悟無際者乎洪武戊午冬十有  
一月濂朝京師道經山下今主僧定巖戒有道之  
士也要濂觀泉且被法衣率其徒同舉梵咒久之  
泉感沸而出若聯珠然已而微作湧勢濂心異之  
遂爲作銘銘曰天一所形厥質乃凝潛行重淵與  
氣俱升至人來居地不愛寶誰信清冷生于虎爪  
山后川君與道爲謀肯私一勺不師之留師旣留  
止作泉爲雨式沛且滂潤于千里幻此荒虛遂成  
寶坊羣生依之爲正法幢命世大才猶龍類象來  
游來咨如山峇響代祀雖邈聲華弗虧至今草木  
尚被餘輝我於世緣逢觸輒礙泉特相知獻萬珠  
琲塵擾征驂風埃渺瀰有素者衣化而爲緇願挹  
寸波如習禪定洗滌塵根一時清淨○蘇子瞻詩  
亭亭石塔東風上此老初來百神仰虎移泉眼趨

行脚龍作浪花供撫掌至今遊人盥濯罷卧聽空  
堦環珮響信知此來如此泉莫作人間去來想○  
紫李黃瓜村路香烏紗白葛道衣涼閉門野寺松  
陰轉欹枕風軒客夢長因病得閒殊不惡心安是  
藥更無方道人不惜堦前水借與匏樽自在嘗○  
陳浩和詩良二千石昔清香虎跑泉頭風露涼直  
將才華比賈傅徧歷山川如子長流傳玉局播千  
古脉絡銀河來上方清秋擬到三天竺自裹香茶  
來煮嘗○釋來復和詩金沙泉湧雪濤香灑作醍  
醐大地涼倒浸九天河影白遙通百谷海聲長僧  
來汲月歸靈石人到尋源宿上方欲煮茶經枝竒  
品山瓢留待羽仙嘗○王世貞和詩百草沾風蠶  
月香雙鳩喚雨麥秋涼過橋已覺世情少到寺始  
知僧日長拂蘚石留行脚偈掛瓢泉是洗心方良  
公更有茶瓜在禪悅能容取次嘗○方九敘詩曲  
徑同尋大士家林嵐幽勝入烟霞清泉繞砌飛成  
雪紅葉含霜望似花欲托醉鄉憑魯酒漫辭水危  
試僧茶幽棲况對求羊偶且向山中閱歲華寺後  
有幻居卽幻居禪師塔有御祭亭有像宣德庚戌  
楊復撰碑銘大化氤氳實生異人髻鬣有志超拔

莫群誰當其師曷逾迦文矢出于世肯混于塵飛  
空則龍瑞世必麟壯逢宗匠迥脫迷津青冰不忝  
師道仍殷權實兼妙機用惟均幻現其居漚浮其  
身聞猷大慈廕物如雲起癡中竺嘉聲四聞繼登  
兩街天子日親坐承清問法要弘陳化度無外塵  
刹垂勛晚主靈谷聖眷尤勤褒進慧濟實惟德尊  
錫衣之金分膳之珍道價以倍寒堂亦春三公讓  
席四夷歸仁孰謂季運轉此法輪涅槃爲果般若  
爲因見塔無縫乃知師真

襲慶禪寺俗呼真珠寺舊名薦福院在樵歌嶺晉開  
運間吳越王建爲清鑑禪師道場周顯德間殿中  
宮震位忽泉涌成渠擊聲則泉汎如貫珠定景祐  
中名真珠泉宋開慶元年賜額襲慶寺洪武壬申  
復建賜今額弘治十五年重建萬曆庚子僧德昭  
重修

六和塔在月輪峯傍宋開寶三年智覺禪師建先是  
梁開平五年吳越王於仁王廢院掘地得大錢以  
爲瑞應因建大錢寺設寶幢二座于寺門入宋寺  
廢智覺禪師乃卽錢氏南果園建塔以鎮江湖高  
九級五十餘丈撐空兀突跨陸俯川海船夜泛者

以塔燈爲指南焉。宣和中燬于方臘之亂。紹興二十二年僧智曇募緣重建七級而止。塔中有湯思退等彙寫佛說四十二章經。李伯時石刻觀音像。嘉靖三年燬。塔下爲龍山渡魚山渡隔岸。剡中諸山歷歷可數。塔之北爲毛湫峪。宋紹興間塔成。萬曆間祿宏重修。○曹勛記畧云。浙江介于吳越。一晝一夜濤頭自海而上者再。疾擊而遠馳。虎駭而龍怒。猛如山立。歛如電轉。掠隄突岸。摧陷田廬。爲臨安患久矣。冥冥中若有神物典司其事。錢氏有吳越時。曾以萬弩射潮頭。終不能却其勢。後有僧智覺禪師。延壽同僧統贊寧。創建斯塔。用以爲鎮。自是潮習故道。居民德之。宣和三禩。塔寺俱燬。赤地無遺。而潮復爲患。紹興壬申。天子憂之。思所以制其害者。在廷之臣。首以復興斯塔爲請。詔賜可。下有司計度。庀工治材。守臣擇可主持斯事者。得僧智曇。諭以詔旨。曇口諾心然。願以身任。不煩官府。乃勤渠化募。而和義郡王楊存中。居士董仲永。首倡損貲。于是蓮社樂施。雲臻霧集。雖遠在他路。亦荷檐而來。自癸酉仲春鳩工。至癸未之春。五層告成。是年歲晚。則七級就緒。巍然揭立。光動山海。

環壁刻金剛經及塑雜花五十三善知識備盡莊嚴凡所以鎮靜山川護持法界調伏魔境者莫不閱而存焉塔興之初土石未及百簣而潮勢已殺既成之後化爲安流而頻江之民恬不驚悸此則塔之爲功而智曇之植福也○白廷玉同陳太博諸公同登六和塔詩云龍山古化城浮屠峙其巔開殿生妙香捫壁森貝筵應真儼若生倒飛青金蓮頭陀紺林叢導我丹梯緣初猶藉佛日闕境儵已玄回頭失誰何叫嘯衣相牽且復忍須臾當見快意天嬌兒詫先登網戶相鈎連烟若蟻在珠九曲隨盤旋爛爛滄海開落落雲氣懸群峯可俯拾背閱黃鶴騫竒觀與懦夫便欲凌飛仙絕頂按坤維始見南紀偏神京渺何許王氣停須臾舟車集百蠻島嶼通人烟一爲帝王州氣壓三大千剛風灑毛髮鐸語空蟬聯紅放杏園花媿乏慈恩篇○張仲舉登塔詩江上浮屠快一登望中烟火是西興日生滄海橫流外人立青溟最上層潮落遠沙群下鴈樹欹高壁獨巢鷹百年等是豪華盡怕聽興亾懶問僧○孫晉登塔詩闌檻倚雲漢身疑出上方乾坤一指顧吳越兩興亡海接空江白山分

武林苑志 卷之三  
落日黃伍胥遺恨在秋草隔沙長。○東坡六和寺  
送張吉甫越閩曹詩羨君超然鸞鳳姿江湖欲下  
還飛去空使吳兒怨不留青山漫漫七閩路門前  
江水去掀天寺後青池碧玉珥君如大江日千里  
我如此水千山底

開化寺卽塔院也宋隆興二年建嘉靖十二年與塔  
俱火傍有金魚池噴月泉持正泉秀江亭鐵井欄  
刻八卦以鎮水恠○僧仲殊登秀江亭南柯子詞  
云金梵璠龍尾蓮開舞鳳頭涼生宮殿不因秋門  
外莫尋塵世捲地江流霽色澄千里潮聲帶兩州  
月華清泛浪花浮今夜蓬萊歸夢十二瓊樓左塢  
有月輪菴

朝陽菴在六和塔左進龍浦右近江小塢僧雲天明  
証建內有大石佛禪定處

五雲山真際院山最高約百丈許周十五里五峰森  
列駕軼雲霞盤曲而上凡七十二灣俯視南北兩  
峯若雙錐朋立長江帶繞西湖鑑開帆檣隱現烟  
霧間若漚鳧出沒宋時每歲臘前寺僧捧雪表黎  
明入城中霰猶未集蓋其地特高寒云周顯德丙  
辰志逢禪師結茅開山師天台韶國嗣吳越王極

尊禮之每携大扇乞錢買肉飼虎虎迎載還山大將凌超創華嚴道場名靜慮菴延師主席宋乾德問吳越王召賜紫衣賜額真際院謚普覺 國初燬正德十二年僧法堅重建寺內伽藍乃華光藏神杭人宰牲祈財無虛日有天井大旱不竭伏虎亭端敬亭五雲端亭方伯范涑憲副陳經濟建○錢思復登五雲山詩普覺遺衣久不傳五雲故色尚蒼然斷崖蘿薜三千丈喬木風霜四百年龍井雨深泉獨響漁村潮上月初圓寶坊金碧紅塵聚何以茲山更絕緣○林景初金日新會宿五雲山詩山氣清如木林扉夜不扃月明苔徑白松暗水螢青幽蕙臨風辨孤泉過石聽何當凌絕頂萬里極滄溟

雲棲寺在梵村天柱寺旁禪師株宏伐茅建菴於此爲遠近宗仰後掘地有碑卽古雲棲寺也陶望齡董其昌有記○株宏自爲記云杭府治南連大江西引明聖二湖萬山繞湖而絡繹江潁遡江西上行二十餘里山名五雲先是山巔有五色瑞雲盤旋其上因以名山已而五雲飛集山西塢中經久不散時人異之號爲雲棲塢宋乾德五年有僧結

菴以居塢多虎僧至虎輒馴伏世稱伏虎禪師者是也吳越王錢氏爲之建寺而雲棲于是創始矣禪師一號大扇和尚諱志逢初築室五雲之頂天禧中降勅賜真際院遂并闢雲棲天池二院而成三剎後治平二年改號棲真今日雲棲者復古也雲棲居五雲之西徑曲林幽四山圍合蒼翠聳然東崗而上有壁觀峯峯下有泉名青龍泉迤邐下中峯之旁復出一泉名聖義泉又下而西崗之麓復出一泉名金液泉筓引涓涓潔冽甘芳汲灌不竭獨以荒僻寥落人跡罕至非忘形死心者莫能居焉紹興初有余知閣者扈蹕南渡隱于寺側後捨宅歸寺聖朝弘治七年霖雨發洪廬宇經像隨水漂蕩僧稍稍散去頽耄者僦居民庄而故院遂蕪莽父老過之傷感垂涕衛將軍玉溪楊公暨子念堂君雅嚮三寶時募僧重修而頽苦虎患居無何卽引去隆慶五年祿宏行脚南還愛其岑寂孤形隻鉢趺坐圮壁間太學生陳如玉李繡等爲之構靜室三楹而宏晝與野鹿主賓夜與鳴泉倡和悠然若將終身村之民恠其能久居也環村四十里歲傷於虎者不下二十人而鷄犬不與焉宏乃

發悲懇諷經千卷設瑜伽施食津濟之自是虎不傷人適歲亢旱禱于山偶時雨霽村之民又大悅而慶其得安居也相與纍纍然肩村木而至曰茲吾祖所植也荷鋤鏹發其塵塗之礎礫而指之曰茲雲棲寺之故物也禪師福吾村吾願鼎新寺之遺址以永吾一境之香火由是百日而成蘭若外無崇門中無大殿惟禪堂處僧法堂以奉經律而已宏自惟迂踈陋劣寸長無稱抱病入山分與草木同腐頃植幻緣興此廢墜惡容坐食不思所以土報佛恩而下酬檀信乎顧生平尚真實而賤浮誇甘窮約而羞名利因共二三同志相砥礪力行古道盟而後進犯而必退大都主之以淨土而冬專坐禪餘兼講誦日有程月有稽歲有表凜凜乎使無賴者不得叅乎其間雖于法門無大裨益庶幾勅末學之弊以俟後之知識云爾宏沈氏子字佛慧號蓮池仁和人是爲記○董其昌記并書杭之山自天目來帶苕水挾聖湖南盡於江折而東是爲鳳凰諸山宋之故宮在焉遡流而西二十里是爲五雲山循山麓而西四五里是爲雲棲寺則今蓮池禪師之道場也陂陀坻平巖谷幽密劃然

野處而不與湖山爲群。境則變喧而幽。土則去穢而淨。一似遺世者。山當江之三折。海門濤頭雪湧。而霆擊者。至此蕩爲平川。洋洋瀾瀾。怒氣消盡。一似忍辱者。由東岡而上。有壁觀峯。青龍泉出焉。中峯之旁。復出一泉。名曰聖義泉。西崗之下。復出一泉。名曰金液泉。涓涓甘冽。汲灌不竭。一似利生者。此非有道者莫能居。而居之者亦于道力有助。自宋伏虎禪師住山。以至國朝。雖天禧中稍闢爲寺。而迤興。迤廢。夷爲藜莽久矣。師以隆慶五年。托鉢此村。若有冥契。曰。吾骨人得骨山。可以老矣。縛

亦三楹。經禪宴坐。有終焉之志。環村四十里。數有虎。俵師以慈止殺。虎不爲暴。歲旱禱雨。雨澤輒應。魃不爲災。居人異之。爭來作室。度材於家山。仍礎于故址。民大和會焉。師曰。毘盧宮殿。偏界偏空。草昧經營。無勤檀施。唯法堂奉經律。禪堂以處僧。茲所急也。旣落成。而百年廢刹。遂復舊觀矣。此雲棲之緣起也。師之侍者。以爲古德破荒。衆信積力。不可泯沒。請余記之。余何知出世事。而竊有感于法道盛衰之際也。在昔唐宋時。士惟薄將相。不爲者始去。而爲大僧。以了百千億劫之生死。故其成行。

之嚴宗風之峻直可感鬼神馴異類或爲道俗所  
故依或爲帝王所禮敬名藍淨刹於是繁興矣蓋  
其盛也近世以經術收僞士士所不收者方自引  
而食于僧是以赤縣神州列刹相望圓頂方袍聚  
廬而處者百十爲輩卽而求之所爲禪講律師如  
古尊宿者有幾假令大年削牘寂音操筆二百年  
來可應傳燈僧寶之選者又有幾則雖金碧土木  
之莊嚴崇之至於天而廣之至于十由旬何益蓋  
法道之衰相見矣師庠校名士始欲以祿養爲孝  
旣以弘法報恩爲孝麟驥壯盛而龍象超忽最初

發念固已卓然名聞利養之外矣麗蓋聲百萬而  
擲漢水僧紹冒二毒以開攝山豈足專美乎師自  
主法席以來旣三紀行在梵網志在觀經標淨業  
則東林立清規則百丈析義疏則玉泉辦宗乘則  
慧日摧陰魔則板度空排戲論則秀鐵面雲棲雖  
幽迥荒率無諸莊嚴有具眼通者必曰先師塔廟  
在矣有具耳通者必曰水鳥樹林念佛法僧矣有  
具宿命通者必曰某古德再來矣昆嵐偃岳而不  
波大浸稽天而不溺是雲棲之興法道大有賴也  
夫師所著有彌陀經疏鈔緇門崇行錄禪關策進

等書數十種，鉅行於世。師俗姓沈，名祿宏，字佛慧，  
仁和人。○陶望齡記昔世尊以五時彰教，隱顯權  
實，順布而不忒。若溫綿涼筆，隨候異設，允以逗機，  
宜適根莖而已。正法東嬪，師資角立，曰講曰律曰  
禪，並而爲三。然軌轍同歸，君臣通用，斯亦一代時  
教之遺也。天目中峯師有言：密部如春，慈恩如夏，  
南山律宗如秋，教外別傳之旨如冬。自祖燈輝三  
家，替法久生，濫藥療權施，雖離言絕跡之塗而言  
跡具焉。大智勘規則律該，圭峯詮經則教設。至永  
明天衣而降，多寄指蓮邦，默標心土，持名淨念，殆  
庶幾所謂密者。然則少林一宗，四序備矣。由是以  
觀，一氣燠寒而歲成一音，開遮而化闡，莫不因宜  
而建之。遇耳而通之，離之以提宗，合之以成務，其  
致一也。像李陵夷，學者文言依通，未嘗有古先生  
研幾極深之用。在有以率情資空以護過，而欲圓  
契法界，密還心源。此與兒嬉嚙語何異？嗟乎禪學  
盛而教律薄，禪學衰而教律亾矣。破器焦種，道所  
不載，猶謹于衆曰：吾宗固然，儀範弛解，觀行滅裂，  
而菩提達摩單傳之教，亦埽地盡。澶漫流涵，無其  
茲時者，昏衢積晦，慧日乃升。於是雲棲大師應期

運秉慈願挺生於冠族飛藻於儒苑然後辭榮捐  
愛薙染登具荷包咨叩百城忘疲隆慶辛未歲始  
返錫武林五雲山之西塢宋伏虎遺刹在焉礎石  
就泐餘堵纔存而師蒙露戴星晏坐其下久之方  
刊灌莽成芟舍繩床瓦鉢獨寤弗諼而已然薰之  
以戒德扇之以玄化慈戢猛獸誠感霖雨於是遠  
近毗庶順風爭趨輸材赴工如水投壑無何而役  
竣仍其始號曰雲棲禪院殿門不設庖湏具體惟  
禪室法堂制稍崇敞以奉經像集徒侶蓋大師夙  
志也大師之教革偽正訛贊繩檢黜戲論一歸于

真履底於妙悟謂綱紀道俗者莫大於行是故有  
緇門崇行之錄覆護群動者莫尚乎慈是故有戒  
殺放生之文嚴淨具羅兼資物我者莫廣于梵網  
是故有戒疏發隱之義頃超直指尅證靡濫者莫  
要于禪是故有禪關策進之篇於後後世爲大津  
梁於諸方便中出勝方便普被群機橫絕三界者  
莫徑於淨土是故有彌陀經疏鈔之作嘗稱曰阿  
伽已疾如意雨寶總群塗而一貫者其惟持名一  
心乎其進爲行淨爲律契爲法究爲禪以故師之  
唱演靡所不備而宗趣有在緇素之徒咸望大師

爲善導、雲塢爲極樂、交廣庸蜀幽并冀朔之遠、莫不繭足、皈禮、延頸嚮化、與於籌室者、不可勝數、而師尤隱解顯行、撝謙不居、痛抑狂瀾、躬爲之隄岸、終身退然、處于學地、雖凡衲、單士、通謁而至者、咸與之均禮於戲、非盛德、何以臻此乎、而昧者謂院以禪名、宜杜塞岐徑、獨踏大方、紹明從上以來、單傳直截之旨、若以是爲師、少者、夫治水者、撒堰而瀉之、築防而居之、乳兒者、塗苦而禁之、洗滌而養之、惟其宜適也、世降習偷、邪師謬解、如波如馳、苟務泯相毀教、等持犯均、淨穢決竇于旱秋、絕哺于饑子、豈大士匡時應會、起慈弊、振將絕之道哉、俗善畫龍見龍而驚、塗羨羨雜陳而笑、耕稼者不亦舛乎、是山形勝、洎創建起、詳載大師所撰記、及董太史其昌碑中、故具具言師所以應化、拯時有功、宗乘者、勒石講堂、詔于無窮、

天柱寺在雲棲三聚亭里許、卽常樂寺、宋開寶建、妙山菴在妙山、僧如寔建、

白沙菴在白沙塢、通黃山、天竺、

棲真寺在定北、四畝有贊寧塔、

定安寺在定北、二畝、

定明寺在定北三畝  
金蓮寺在定北一畝  
妙靜寺在錢塘縣定山北二畝宋元祐中投子義青  
禪師開山賜額明陽寺建炎四年法成禪師重建  
山門兩廊僧堂更名妙靜有偈曰選佛場開妙靜  
山直教千佛笑開顏圓成屋裏諸功德只在當人  
點首間慶元六年庚申歲紹隆禪師修元至正二  
十五年海悟禪師重修洪武六年太古義禪師重  
修寺有古井  
定南寺在公館側

慈巖院在楊村風水洞側舊名恩德洞洞中石子紅  
點如丹持出卽隱置於舊如故○白樂天詩并序  
予到郡周歲方來入寺半日復去俯視朱綬仰睇  
白雲有媿于心遂留絕句雲水埋藏恩德洞簪裾  
束縛使君身暫來不宿歸州去應被山呼作俗人  
○蘇東坡詩并序往富陽新城李節推先行三日  
留風水洞見待詩云春山礚礚鳴春禽此間不可  
無我行路長漫漫傍江浦此間不可無君語金鯽  
池邊不見君追君直過定山村路人皆言君未遠  
騎馬少年清且婉風崖水穴舊聞名隔山有溪夜

不行溪橋曉溜浮梅萼知君繫馬巖花落出行三日尚逶迤妻孥恠罵歸何時世上小兒誇疾走如君相待今安有

龍門菴在龍門山頂四面石壁路屈曲而上如盤谷有僧結菴於此

光明寺在定山北唐顯慶元年高宗勅賜光明禪寺明善導和尚說法開山師念佛一聲卽有一道毫光從口出自十至百光亦如之勅賜寺額正統十一年惠辨初重建萬曆間寺產俱爲豪猾侵漁尋復故地有龍池古井○王勃題光明寺南池幽景

詩云笑倚雕闌瞰碧流漾花天氣漸和柔日行東陸春偏早人在西園景自幽出水蒲芽纔短茁牽風荇帶欲輕浮綠波涵育群魚樂不識江湖有釣鈎



